

An Exposition of the Seven Church Ages

Chapter Eight Kereke Ya Paka Ya Filadelefia

Tshenolo 3:7-13

"O kwalele moengele wa phuthego e e mo Filatelefia; o re: Dilo tse di buiwa ke Yo o boitshepo, Yo o boammaaruri, Yo o tshotseng selotlele sa ga Dafite, Yo o bulang, mme ga go na motho ope yo o tlaa tswalang; gape ga gona yo o ka se bulang;

'Ke itse ditiro tsa gago. Bona, ke tlhomile lebati le le butsweng, mme ga gona motho ope yo o ka le tswalang; gonne o na le thata e potlana, mme o tshageditse Lefoko Lame, gape ga wa ka wa itatola Leina Lame.

Bona, ke tla dira bao ba Sinagoge ya ga Satane, ba ba ipitsang gore ke Bajuta, mme e se bone, ba bua maaka; bona, ke tlaa dira gore ba tle ba obamele fa dinaong tsa gago, le gore ba itse fa ke go ratile.

Ka gore o tshageditse Lefoko la bopelotelele Jame, le nna ke tlaa go sireletsa ka nako ya teko, e e ta tla tlang go wela lefatshe lotlhe, go leka ba ba nnang mo lefatsheng.

Bona, ke tla ka bonako; tshwara ka thata se o nang le sone, gore, gore motho ope yo o ka go tseelang korone.

Yo o fenyang ke tlaa mo dira pilara mo tempeleng ya Modimo wa me, ga a ketla a tlhola a tswa gone gope: gape ke tlaa kwala mo go ene Leina la Modimo Wame, le leina la toropoywa Modimo Wame, e e leng Jerusalema yo moša, o o fologang mo legodimong kwa Modimong Wame; gape ke kwala leina Lame le leša.

Yo o nang le tsebe, a a utlwe se Mowa o se rbolelelang diphuthego."

Filadelefia

Philadelphia e ne e le dikilometara di le masome a supa le botlhanano kwa borwabotlhaba ja Saredisa. E ne e le toropo wa bobedi o mogolo mo Lidia. E ne e agilwe mo godimo ga dithaba di le mmalwa mo kgaolong e e itsegeng thata ka go lema mofine. Madi a yone a ditshipi a ne a tshwantshitswe tlhogo ya ga Bacchus le setshwantsho sa Baccante (moperesiti wa mosadi wa ga Bacchus). Palo ya baagi ba toropo e ne e akaretsa Bajuda, Bakeresete ba Bajuda le batho ba ba sokologileng go tswa mo Boheitaneng. Teropo e ne e nna le dithoromo tsa lefatshe tse di ntsi, mme lefa go ntse jalo e ne e le yone e neng ya tsaya lobaka le lelele go gaisa diteropo tse supa tse di mo go Tshenolo. Tota e bile, toropo e e santse e le teng ka leina la Se-Turkey la Alasehir, kana Toropo ya Modimo.

Go dirwa ga madi a ditshipi go bontsha gore bomodimo wa toropo e e ne e le Bacchus. Jaanong Bacchus o tshwana le Ninus kana Nimrode. Ke ene 'yo o hutsafetseng,' le mororo bontsi ja rona re mo tsaya e le motho yo o ratang menate le botagwa.

A bo se se re sedimosetsa jang ne! Fa re bona go na le ledi la tshipi le le tshwantshitswenge modimo mo letlhakoreng le lengwe le moperesiti wa mosadi kana moporofeti wa mosadi mo go le lengwe. Jaanong tikela ledi la tshipi. A go botlhokwa gore e wela kafa letlhakoreng lefe? Nnyaa, ke ledi la tshipi le le tshwanang. Ke bodumedi ja Baroma ja ga Jesu le Marea.

Mme ga re akanye ka Roma fela. Nnyaa, ga se seaka se segolo fela. Nnyaa, ka gore ka boaka ja gagwe o ne a nna mme. Bomorwadie jaanong ke madi a tshipi a a dirilweng ka tsela e e tshwanang. Mo letlhakoreng le lengwe la ledi le la tshipi ba ile ba tshwantsha kobamelole ya ga Jesu mme mo letlhakoreng le lengwe ba tshwantshitse moperesiti wa bone kana moporofeti wa mosadi le ene mme o kwala ditumelo tsa gagwe le dithuto tsa gagwe tsa motheo a bo a di rekisetsa batho gore ba bolokwe a gatelela gore ene le ene fela o na le lesedi la boammaaruri.

A bo go gaggamatsa jang ne go bo motlha o o itsiwe ka madi a tshipi. Ka gonne mme le barwadie botlhe ba reka tsela ya bone ya go ya legodimong. Tlhwatlhwa ya go reka ke madi (a mmele) e seng madi (a a rekang). Batlhotlhedidiwa gore ba tsewelele pele ke madi e seng Mowa. Modimo wa lefatshe le (mamone) o fofaditse matlho a bone.

Mme ditiro tsa bone tsa lesedi di tla felela ka bonako, gonne ke yone nako e Mowa o goeletsang ka yone o re, "Bona, ke tla ka bonako". Le fa go ntse jalo, tla ka bonako, Morena Jesu!

Paka

Paka ya Kereke ya Philadelphia e ne ya tsaya lobaka go tloga ka ngwaga wa 1750 go fitlha ka ngwaga wa 1906. Ka ntlha ya go kaiwa ga leina la toropo, paka e ne ya bidiwa Paka ya Lerato La Bokaulengwe, jaaka fa Philadelphia e raya, "lerato la bokaulengwe".

Morongwa

Morongwa wa paka e e ne e le John Wesley kwantle ga pelaelo. John Wesley o ne a tsholetswe kwa Epworth, ka kgwedi ya Seetebosigo 17, 1703 mme e ne e le mongwe wa bana ba ba lesome le borobongwe ba ga Samuel le Susanna Wesley. Rraagwe e ne e le moruti mo Kerekeng ya Engelane; mme go ka direga thata gore tsela ya bodumedi e John a neng a e tsaya e ne e theilwe thata mo botshelong jo bo neng bo tlhoma sekao ja ga mmaagwe go na le mo thutong ya bodumedi ya ga rraagwe. John e ne e le mokanoki yo o setswerere. E ne e le fa a ne a le kwa Orford fa ene le Charles ba neng ba nna karolo ya setlhophsa se se neng se thapisiwa semoyeng gore se obamele boammaaruri ka go bo tshela go na le go dira gore thuto e nne yone e e ba kaelang. Ba ne ba dira kaelo ya semoya ya ditiro, tse di jaaka go thusa bahumanegi, go etela balwetse le magolegwa. Ka ntlha ya se ba ne ba bidiwa Ba-Methodist, le direto tse dingwe tsa tshotlo. Jaanong John o ne a rotoediwa ke ponelo pele ya gagwe gore batho ba lefatshe ba ne ba tlhoka bodumedi fela thata ka moo a neng a ya kwa Amerika (kwa Georgia) go ya go nna morongwa magareng ga MaIndia. Mo tseleng fa a ne a ya koo o ne a fitlhela gore bontsi ja bapalami ba sekepe e ne e le Ba-Moravia. O ne a kgatlhiwa thata ke bonolo ja bone, kagiso ya bone le bopelokgale ja bone mo diemong tsothle. Tiro ya gagwe ya bonatla kwa Georgia e ne ya se ka ya atlega le fa a ne a itima dilo dingwe e bile a dira ka natla. O ne a boela kwa Engelane a lela a re, "Ke ne ka ya kwa Amerika go ya go sokololela MaIndia mme oh! yo o tla ntshokololan?"

Fa a boela kwa Lontone o ne a kopana gape le Ba-Moravia. E ne e le Peter Boehler yo o neng a mmontsha tsela ya poloko. E le ruri o ne a tsalwa sesha go gakgamatsa le go galefisa morwarraagwe e bong Charles, yo o neng a sa tlhaloganye gore monna yo o ratang dilo tsa semowa jaaka Johane a ka bolela jang gore o ne a sa siama pele mo matlhong a Modimo. Le fa go ntse jalo, go ise go ye kae morago ga foo, Charles le ene o ne a bolokwa ka mohau wa Modimo.

Jaanong Wesley o ne a simolola go rera Efangele mo mafelong ao a kwa Lontone a a neng a sa kgone go ya kwa go one pele; mme go ise go ye kae o ne a thibelwa. E ne e le ka nako e fa tsala ya gagwe ya bogologolo, George Whitefield, a neng a mo ema nokeng ka gonne o ne a laletsa John gore a tle go mo thusa go rera mo masimong a batho ba le diketekete ba neng ba reetsa Lefoko mo go one. Kwa tshimologong Wesley o ne a sa dumele gore o tshwanetse go rera mo mafelong a batho botlhe go na le mo dikagong, mme fa a bona boidiidi ja batho le go bona Efangele e dira ka maatla a Mowa o o Boitshepo, o ne a simolola go rera ka pelo yotlhe.

Ka bonako fela tiro e ne ya anama thata jaana mo a neng a simolola go romela batho ba le bantsi ba e seng baruti go ya go rera Lefoko. Se se ne se lebega se tshwana le Pentekosete fa Mowa o ne o tsosa banna ba ba neng ba na le maatla a go rera le go ruta Lefoko bosigo jotlhe.

Tiro ya gagwe e ne e ganediwa ka tsela e e setlhogo mme Modimo o ne a na le ene. Ditiro tsa Mowa di ne di bonala ka maatla mme gantsi batho ba ne ba nna le mowa wa go tlhatswega pelo mo ba neng ba felelwa ke maatla mme ba wela fa fatshe ba lela ba ikotlhaela maleo a bone.

Wesley e ne e le monna yo o nonofileng thata. O bua gore o ne a sa gakologelwe gore o ne a kile a kgobega marapo le fa e le ka lobaka la metsotso e e lesome le botlhanano fa e sa le a tsholwa. O ne a sa robale diura tse di fetang tse thataro ka letsatsi; a tsoga ka nako go simolola go rera ka ura ya botlhanano mo e ka nnang letsatsi lengwe le lengwe mo bodireding ja gagwe; o ne a rera ka makgetlho a le mane ka letsatsi le le lengwe gore ka ngwaga a kgone go rera ka palogare ya dipuo di feta 800.

O ne a tsamaya dikilometara di le diketekete fela jaaka bapalami ba gagwe ba ba neng ba tsamaya le ene ba ne ba tsamaya le ene ba isa Efangele gaufi le kgakala. Tota e bile, Wesley o ne a tsamaya dikilometara di le 4 500 ka ngwaga ka pitse.

O ne a dumela mo matleng a Modimo mme o ne a rapelela balwetse ka tumelo e kgolo le ka maduo a a molemo.

Bokopano ja gagwe bo ne bo le bontsi ko go neng go bonagala dineo tsa Semowa.

Wesley o ne a sa rate thulaganyo. Badirimogo le ene ba ne ba na le sosaeti se se bidiwang "United Society" e e neng e le setlhophsa sa batho ba ba neng ba na le popego, mme ba batla maatla a bomodimo, ba kopane mmogo gore ba rapele mmogo, go amogela Lefoko la kgothatso, le go tlhokomelana ka lorato, gore ba thusane go dira poloko ya bone." Batho ba ba neng ba tshwanetse go tsena koo e ne e le fela, "ba ba neng ba batla go tshaba bogale jo bo tlang le go bolokwa mo maleong a bone." Fa nako e ntse e tswelletswe ba ne ba dira melao e e gagametseng e ba neng ba tla e dirisa go ikgalema gore ba solegelwe molemo. Wesley o ne a lemoga gore morago ga leso la gagwe mokgatlho o o neng o ka

rulagannwa mme Mowa wa Modimo wa ba tlogela ba sule. Nako nngwe o ne a umaka gore o ne a sa boife gore leina la Methodist le ne le tla felela mo lefatsheng mme o ne a boifa gore Mowa o ne o tla tshaba.

Fa a ne a sa ntse a tshela o ne a ka nna a nna le dikhumo tse dintsi; mme ga a ka a dira jalo. Se a neng a se rata thata ka madi e ne e le go re, "Tsaya gotlhe mo o ka go kgonang go go tsaya, o boloke gotlhe mo o ka go kgonang, mme o neye gotlhe mo o ka kgonang." A bo go ne go tla nna selo se se gakgamatsang jang ne fa Wesley a ne a ka boa mme a bona lekoko le gompiano le bidiwang la Methodist. Ba humile —ba humile fela thata. Mme botshelo le thata maatla a ga John Wesley ga di o.

Gape go tshwanetse ga umakiwa gore Wesley ga a ise a ko a eletse go aga tiro mo motheong wa bodumedi kana wa makoko. Le mororo e ne e le Mo-Arminian ka ditumelo tsa gagwe, o ne a sa batle go ikgaoganya le bakaulengwe ka ntlha ya dithuto tsa bone. E ne e le moemedi yo o molemo wa ga Jakobe: O ne a theile botshelo ja gagwe jo bo sa khutleng mo tumelong le mo ditirong, kana mo go tsheleng botshelo, go na le gore a amogele fela tumelo kana thuto nngwe.

John Wesley o ne a tlhokafala a le dingwaga dtse 88 a diretse Modimo ka tsela e batho ba le mmalwa ba neng ba ka akanya gore ba ka kgona go mo direla ka yone.

Madume

Tshenolo 3:7,

"O kwalele moengele wa phuthego e e mo Filatelefa; o re: 'Yo o boitshepo, Yo o boammaaruri, Yo o tshwerweng selotlele sa ga Dafite, yo o bulang, go bo go se ope yo o tlaa tswalang, a tswale, go bo go se ope yo o ka bulang, o bua dilo tse;'"

A bo mafoko ao a le mantle jang ne. A bo modumo wa tsone o mogolo jang ne. Go itumedisa jang ne go akanya gore dinonofu tse tsothle di ka dirisiwa mo mothong a le mongwefela. Ke mang yo o neng a ka bua dilo tse di ntseng jalo ka ga gagwe fa e se Jesu Keresete, Morena wa Kgalalelo? Ke dumela gore selotlolo sa go tlhalosa gore mafoko ano a a tlhalosang dilo sentle a raya eng se fitlhelwa mo temaneng 9,

"Bona, ke tla dira ba senagoge ya ga Satane, ba ba reng ke Bajuta, mme e se bone, ba bua maaka. bona, ke tlaa dira gore ba tle ba obamele fa dinaong tsa gago, le gore ba itse fa ke go ratile. ."

Ke bua gore temana e ke yone e e botlhokwa ka gore e bua ka Bajuda ba tlhola ba ipitsa bana ba Modimo ba kgetholola batho ba bangwe. Ba ne ba bapola le go bolaya Morena Jesu Keresete. Tiro ya bone e e setlhogo e ne ya dira gore ba nne le molato wa tshololo ya madi ka lebaka la makgolokgolo a dingwaga. Ka gore ba ne ba gana go dumela gore ke Mesia wa bone, Yo tota e neng e le Ene. Mo go bone e ne e se Ene Yo O neng a Tlang, kana Morwa Dafide; mo go bone E ne e le Beelesebube, kana mongwe yo o sa siamang yo o tshwanelwang fela ke go senngwa. MMe e seng jalo. E leruri e ne e le Emanuele, Modimo yo o bonaditsweng a le mo nameng. E leruri ke Mesia. E leruri, O ne a ntse fela jaaka jaanong a itlhoma. Ke Ene Yo o, JESO YO O TSHWANANG—Jesu Keresete yo o tshwanang maabane, gompiano le ka bosakhutleng. Moitshepi yo o mo gare ga dithomo tsa dipone ke Ene Jesu yo o neng a tsamaya mo dintshing tsa Galalea, Yo o neng a fodisa balwetse, YO o neng a tsosa baswi, mme le fa go ne go na le bosupi jo bo ka se ganediweng ja gore o ne a bapolwa a bo a bolawa. Mme o ne a tsoga gape, mme o ntse kafa seatleng sa moja sa Bogodimo jo bo kwa godimo.

Bajuda ba ne ba sa mmitse yo o boitshepo ka nako eo. Ga ba mmitse yo o boitshepo. Mme ene ke YO O BOITSHEPO.

Pesalema 16:10;

"Gonne ga o ketla o tlogela mowa Wame mo Bobipong; le gone ga O ketla O leseletsa MOITSHEPHI wa Gago gore a bole."

Ba ba neng ba batla tshiamo ka molao ba paletswe; gonne ga go na motho ope yo o ka siamiswang ka molao. Ga go na motho ope yo o ka itshepisiwang ka molao. Boitshepo ke ja Morena.

Bakorintha 1:30,

"Mme lona le ba Gagwe mo go Keresete Jesu, yo Modimo o mo dirileng botlhale ja rona le tshiamo le boitshepiso le kgololo."

Bakorintha 5:21, b,

"Gore re tle re dirwe tshiamo ya Modimo mo go Ene."

E ne e le Keresete kgotsa ba nyelele, mme ba ne ba nyelela ka gonne ba ne ba Mo gana

Mme banna ba paka eo le ba gompiano ba ne ba dira phoso e e tshwanang. Jaaka Bajuda ba ne ba tshabela mo kobamelong ya senagoge, le mo Pakeng ya Philadelphia ba ne ba tshabela mo kerekeng. Go nnaleloko la kereke ga go reye sepe. Botshelo ga bo yo mo kerekeng. Botshelo bo mo go Keresete. "Mme se ke kgatiso e Modimo A re neileng botshelo jo bo sa khutleng, mme botshelo joo bo mo go Morwa wa One. Yo o nang le Morwa o na le botshelo; yo o senang Morwa ga a na botshelo." Motho o itshepisiwa ke Moya. Ke Moya wa Boitshepo o o neng wa tsosa Jesu mo baswing o o nnang mo go rona mme o dira gore re nne boitshepo ka boitshepo ja One.

Yo o boitshepo, O eme foo. Mme re tla ema le Ene re apere tshiamo ya Gagwe, re le boitshepo ka boitshepo ja Gagwe.

Jaanong paka e ke ya borataro. Mo matlhong a Modimo, nako e tla kwa bokhutlong. O tloga a boa mo bogautshwaneng. Ka bonako go tla nna le mokgosi wa go tla ga Gagwe,

"Yo o itshekologileng a a nne a itshekologe; mme yo o siameng a a nne a dire tshiamo; mme yo o boitshepo a a nne a itshepologe."

Tshenolo 22:11b

Oh, Ke itumelela thata gore go nna boitshepo ga me ga go tswa mo go nna. Ke itumelela go bo ke le mo go Keresete, ka ntlha ya dinonofo tsotlhe tsa Gagwe tse di itumedisang tsa tshiamo tse a di tsentseng mo go nna. A go bakwe Modimo ka bosakhutleng!

Dilo tse di buiwa ke Ene Yo o boammaaruri." Jaanong lefoko le, 'boammaaruri', ke lefoko le le molemo tota. Ga go reye boammaaruri fela ka tsela ya gore bo farologana le maaka. Le tlhalosa go Diragadiwa ka Itekanelo ya kakanyo go farologana le go Diragadiwa ga yone go go sa Feleng.

Fa re e fa sekai re gakologelwa gore Jesu o ne a bua jaana mo go Johane 6:32,

"Moshe ga a le fa senkgwe se se tswang kwa legodimong; mme Rre o le file senkgwe sa boammaaruri se se tswang kwa legodimong."

Johane 15:1,

"Ke mofine wa boammaaruri."

Bahebera 9:24,

"Gonne Keresete ga a ka a tsena mo lefelong le le boitshepo, le le dirilweng ka diatla, fa go leng setshwano sa lefelo la ammaaruri; mme o tsenye mo go le e leng legodimo tota, gore a tle a re emele mo boleng teng ja Modimo."

I Johane 2:8,

"Gonne lefifi le fetile, mme lesedi la boammaaruri jaanong le a phatsima."

Ka gore lefoko, e le ruri, le tlhalosa Tiragatso e e Feletseng go farologana le kgopolo ya Tiragatso e e sa Feleng jaaka e bontshitswe mo ditemaneng tse, jaanong re kgona go tlhologanya gore ga go ise go ke go ke go direge pele ga moo gore Setshwano se bapisiwe le mofuta, mme selo le moriti. Jaanong tsaya sekai sa mana a a tswang kwa legodimong. Modimo o ne a romela senkgwe sa baengele go tswa legodimong gore Baiseraele ba se je. Mme senkgwe seo se ne se sa ba kgotsofatse. O ne o bereka letsatsi le le lengwe fela. Ba ba neng ba se ja ba ne ba tshwarwa ke tlala gape mo letsatsing le le latelang. Fa a ne a ka tlogelwa a ne a kgotlelwa. Mme Jesu ke senkgwe sa BOAMMAARURI se se tswang kwa legodimong, se mana e neng e le setshwantsho fela sa sone. Mme fa motho a ja SENKGWE se se se fologileng go tswa kwa legodimong ga a kitla a tlhola a tshwarwa ke tlala. Ga a tlhoke go boa a tla go ja gape. Fa a ne a ja, o ne a nna le botshelo jo bo sa khutleng. Ruri go ne go na le BOAMMAARURI. Ga re tlhoke re tlhoka moriti. Ga go tlhokafale gore motho a seka a nna le poloko e e feletseng. GOTLHE ga gone ke. Fela jaaka Jesu e se karolo ya Modimo; Ke Modimo.

Ga go na ope yo o neng a ka gana gore Baiseraele ba ne ba na le lesedi. E ne e le bone fela batho ba ba neng ba na le lesedi jaaka setšhaba. Go ne go ntse jaaka fa Egepeto e ne e le lefifi thata mo motho a neng a kgona go le utlwa. Mme mo matlong a Baiseraele go ne go na le lesedi. Mme jaanong lesedi la boammaaruri le tsile. Jeso ke lesedi la lefatshe. Moshe le baporofeti ba ne ba tsisa lesedi ka Dikwalo tse di malebana le Mesia. Ka jalo Baiseraele ba ne ba na le lesedi. Mme jaanong go Diragadiwa ga lesedi go tsile, mme se se neng se le Lefoko pele le le phatsimang jaanong se phatsimile mo Kgalalelong ya Modimo e e bonalang mo bathong ba Gagwe. Fela jaaka pilara ya molelo e ne e bonesa bosigo, mme seo se ne se gagamatsa, jaanong lesedi le botshelo di ne di bonala ka botlalo ja Bomodimo ka mmele.

Baiseraele ba ne ba tle ba tseye kgomo e khibidu mme ba e ntshetse setlhabelo mo sebesong gore ba itshwarelwe maleo. Maleo a motho yo o molato a ne a bipiwa ka lebaka la ngwaga. Le fa go ntse jalo,

sesiro seo se ne se ka se tlose keletso ya boleo. E ne e se tshupelo e e itekanetseng. E ne e le moriti go fitlha go tla wa mmatota. Mme motho o ne a fa setlhabelo ngwaga le ngwaga mme ngwaga nngwe le nngwe o ne a boela ka gore o ne a santse a na le keletso ya go leofa. Botshelo ja phologolo bo ne bo rekolola boleo ja gagwe, mme e re ka e ne e le madi a phologolo a a neng a tsholotswe le botshelo ja phologolo jo a neng a bo neilwe, botshelo ja yone bo ne bo sa kgone go boela mo go ja motho. Fa bone bo ka boela, bo ne bo tla bo e sa tlhole e thusa. Mme fa Keresete a ne a ntshiwa go nna motlhatlhami yo o itekanetseng, mme madi a Gagwe a tshololwa, botshelo jo bo neng bo le mo go Keresete bo ne jwa boela mo molatong yo o ikwatlhayang mme botshelo joo e le botshelo jo bo itekanetseng jwa ga Keresete, jo bo senang boleo le tshiamo, motho yo o molato o ne a ka gololesega ka gonne o ne a se na keletso ya go leofa. Botshelo ja ga Jesu bo ne bo boetse mo go ene.

Ke sone se se supiwang ke Baroma 8:2,

"Gonne molao wa Mowa wa botshelo mo go Keresete Jesu, o nkgolotse mo molaong wa boleo le wa lesa."

Mme Bajuda ba motlha wa ga Jesu ba ne ba sa batle go amogela setlhabelo seo. Madi a dipoo le a dipodi ga a ka a dira sepe se se itekanetseng. E kile ya bo e le tsela e Modimo a neng a e tlhomile. Mme jaanong, ka a ne a bonala a le mo nameng, le ka go go tsholola madi a Gagwe go itshwarela sebe le ka intsha setlhabe se ka sone re neng ra dirwa gore itekanele. Bajuda ba ne ba ka se amogele seo. Mme go ka tweng ka Paka eo ya Philadelphia, ee, mme, le dipaka tse dingwe? A tota ba ne ba amogela boammaaruri jo mo go Keresete? Nyaa rra. Le mororo Luther a ne a tliša boammaaruri ja go siamisiwa, Kereke ya Roma, le ya lekalana la yone e e neng e le kwa kwa botlhaba, e leng Kereke ya Orthodox, e ne e sa ntse e gomaretse ditiro

Jaanong ditiro di siame, mme ga di go boloke. Ga di dire gore o itekanele. Ke Keresete kana go nyelela. E bile ga se Keresete LE ditiro. Ke Keresete fela. Paka e e simolola dingwaga tsa Arminianism eo e sa dumeleng mo go Keresete jaaka BOAMMAARURI. Ga e opele ka ga "Ga go na sepe fa e se Madi", gonne e opela ka ga "Ga go na sepe fa e se madi LE boitshwaro ja me". Jaanong ke dumela mo boitshwarong jo bo siameng. Fa o bolokilwe o tla dira tshiamo. Re setse re buile ka seo. Mme mma ke go bolelele jaanong, poloko GA SE Jesu LE SE SENGWE. Ke Jesu a le MONGWEFELA. PLOKO KE YA MORENA. Go tloga kwa tshimologong go fitlha kwa bokhutlong ke MODIMO. A botshelo ja Gagwe bo nne mo go nna. A nne madi a Gagwe a nne one a a ntlhatswang. A nne Mowa wa Gagwe o nne o ne o ntlatsang. A e nne Lefoko la Gagwe mo pelong yame le mo molomong wame. A e nne dithupa tsa Gaggwe tse di mphodisang. A e Nne Jesu, le Jesu a le Nosi. E seng ka ditiro tsa tshiamo tse ke di dirileng. Nyaa rra. Keresete ke botshelo ja me. Amene.

Ke ikutlwa e kare ke ka tswelala pele ka bua ka boammaaruri jo, mme ke tla lefa kakanyo e nngwe gape. Ke ka pina eo e e monate e A. B. Simpson o ne a kwala.

"E kile ya bo e le tshagofatso,
Jaanong ke Morena.
E kile ya nna maikutlo,
Jaanong ke Lefoko.
Ke kile ka batla Neo ya gagwe,
Jaanong ke ya Monei.
Ke kile ka batla pholo,
Jaanong ke Ene ka BoEne ale Nosi.
Tsotlhe mo go Tsotlhe ka bosakhutleng,
Jesu ke tla opela.
Sengwe le sengwe mo go Jeso,
Gape Jeso esngwe le sengwe."

Ga go na sepe mo botshelong jo, se se kgotsofatsanga le fa se ka nna molemo jang , mme o tla bona selekanyo sa boitekanelo jotlhe mo go Keresete. Sengwe le sengwe se a nyelela fa pele ga gagwe.

"Ene yo o nang le selotlele sa ga Dafite." Polelwana e e ntle e latela e bile e tswa mo polelwaneng e e fetileng, "Ene yo o boammaaruri". —Keresete, Temogo e e itekanetseng, e e tshwantshitsweng le Temogelo e e sa Felelang. Ke ye. Moshe e ne e le moperofeti wa Modimo, mme Jesu (jaaka Moshe) e ne E LE moperofeti wa Modimo. Dafide (monna yo Modimo a neng a mo rata) e ne e le kgosi ya Iseraele, mme Jesu ke Dafide yo Mogolwane, Kgosi ya Dikgosi, le Morena wa Barena, Modimo ka boene. Dafide o ne a tswa mo letsong la ga Juda mme go ne go se na baperesiti mo go ene, le fa go ntse jalo o ne a ja dinkgwe tsa tshupo tse di neng di beetswe baperesiti fela. E ne e le motlhabani yo mogolo yo o neng a fenywa mmaba, a dira gore batho ba nne mo maemong a a siameng; o ne a nna mo setulong sa bogosi e le kgosi. E ne e le moporofeti. E ne e le sekao se se molemo sa ga Keresete.

Jaanong go buiwa jaana mo go Isaia 22:22,

"Selotlele sa ntlo ya ga Dafite ke tlaa se baya mo legetleng la gagwe; O tlaa bula, mme

ga go ketla go tswala ope; O tlaa tswala, mme ga go ketla go bula ope."

Mowa o dirisa temana e ya Tesetamente e Kgologolo e e buang ka Morena Jesu Keresete le bodiredi ja Gagwe mo kerekeng. Se selotlelo sa ga Dafide se neng se se kaya ka nako eo e ne e le moriti fela, o jaanong o diragadiwang ka Jesu a eme mo gare ga ditlhomo tsa dipone. E amana le Morena wa rona MORAGO ga tsogo ya Gagwe mme e seng le loeto la Gagwe la go ya go obamela mo lefatsheng. Mme gone, selotlolo seno se kaya eng? Karabo e ikaegile ka gore selotlolo se mo MAEMONG AFE. GA SE mo seatleng sa Gagwe. Ga e a aparwe mo thamong ya Gagwe. Ga e a bewa mo diatleng tsa bathong ba bangwe, kana temana e ka se ka ya bo e re ENE A LE NOSI O NA LE TIRISO YA SELOTLELE SEO—GONNE ENE A LE NOSI O A BULA A BA A TSWALA, MME GA GO NA MOTHO O yo o nang le tshwanelo eo fa e se Jesu ka BoEne. A seo ga se boammaaruri? Mme selotlele se kae? SE MO MAGETLENG A GAGWE. Mme LEGETLA le amana jang le sone?

Bala Isaia 9:6.

"Mme goromente o tla nna mo legetleng la Gagwe."

Mme se se kaya eng? Karabo ke e. Polelwana e e reng, "puso e mo magetleng a gagwe" e tswa mo moketeng wa lenyalo wa kwa Botlhaba. Fa monyadiwa a sena go ikana le monyadi o ntsha lesire la gagwe mme a ba a le baya mo magetleng a monyadi, go supa gore ga a laolwe ke ene fela gore o fetiseditse ditshwanelo tsa gagwe mo go ene—gore ke tlhogo—mme gape gore o rwala maikarabelo le tlhokomelo le gore ENE LE ENE A LE NOSI—GA GO NA OPE YO MONGWE—GA GONA MOTHO OPE YO MONGWE—GA GO NA THATA KANA MAATLA APE—A A NANG LE TSHWANELO LE MAIKARABELO APE. Mme seo, baratwa, ke SELOTLOLO sa ga Dafide. Ka Modimo e le Molaodimogolo, O ne a itse e sa le gale ka Taaelo ya Gagwe gore ke mang yo o neng a tla nna mo monyading wa Gagwe. O ne a mo tlhophisa. O ne a mo tlhophisa. O nmmiditse. O ne a sa tla ka boene. O ne a mo swela. O ne a mo tlhaphisa ka madi a Gagwe. O ne a mo duelela. Ke wa Gagwe e bile ke wa Gagwe fela. O ineetse ka botlalo mo go Ene mme O amogela boikarabelo. Ke tlhogo ya mosadi jaaka Keresete e le tlhogo ya phuthego. Fela jaaka Sarah a ne a bitsa Aberahame "morena", le monyadiwa o itumela ka gonne ke Morena wa gagwe. O a bua mme o a mo ikobela ka gonne seo se a mo itumedisa.

A mme batho ba ile ba tsaya boammaaruri jo tsia? A ba ile ba tlotla Motho yo eleng Ene (wa Gagwe) Yo e leng Ene fela yo o nang le taolo e e feletseng ya bolaodi mo kerekeng ya Gagwe? Ka re, "NYAA". Ka gonne mo pakeng nngwe le nngwe kereke e ne e buswa ke setlhophisa sa—baperesiti—se se neng se tlhatlhaman—le baaposetoloi se se neng se tswala kgoro ya kutlwelobothoko le tshhegofatso mo go mongwe le mongwe yo se neng se batla go mo naya yone, mme go na le gore se tseye lorato le boikarabelo jwa kereke, se ne sa e tlasela ka keletso ya sone ya bopelotshetlha mme sa e senya. Baruti ba ne ba tshela botshelo ja manobonobo fa kereke e e humanegileng yone e ne e tshela ka go sotliwa. Mme ga go na paka e pe e e neng e farologane le eo. Mongwe le mongwe wa bone o ne a ikgolaganya le mokgatlho mme a tlhoma puso mo bathong mme a neela kereke mo pusong eo. Ba ne ba gana go letlelela batho gore ba tsoge mme ba ne ba gatelelwa ka tsela e e setlhogo kana ba kpobiwa. Lekoko lengwe le lengwe le na le mowa o o tshwanang. Makoko otlhe ikana gore a na le selotlolo sa puso ya kereke. Makoko otlhe a bolela gore a bula kgoro. Mme seo ga se boammaaruri.. Ke Jesu mme Jesu fela, ale nosi. O baya maloko a mo Mmeleng. O ba naya bodiredi ja bone. O baya ddineo tseo mo taolong ya gagwe. O a mo tlhokomela e bile o a mo kaela. Ke thoto ya Gagwe fela mme ga A na ope o sele fa e se ene.

A bo paka e ya kereke e re tshelang mo go yone e farologane thata jang ne le dilo tsa mmatota! Mme ka letsatsi lengwe go ise go ye kae batho ba ba ipolelang gore ba bua mo boemong ja kereke ba tla tsoga mo mokgatlhong wa ekumeniki go baya moganetsakeresete yo o tshelang kwa godimo ga phuthego ya bone e e tlosang Morena mme re tla mmona (Keresete) a le kwa ntle ga kereke a re,

"Bona, Ke eme fa kgorong, ke kokota; fa mongwe a utlwa lentswe Lame, mme a ba a bula kgoro, Ke tla tsena kwa go ene, ke ja nae, le ene le Nna."

Tshenolo 3:20.

Mme ke le bolelele se. Morena wa rona ga a fenngwe. Batho ba bolela gore ba bulela Modimo kgoro mme ba bo ba e tswala, mme ke baaki. Botlhe ba Rara a ba mo neileng ba tla tla kwa go Ene, mme yo o tlang kwa go Ene ga a kitla a latlhelwa kwa ntle, ga a kitla a latlhelwa ke OPE wa bone. Johane 6:37-39. Mme fa leloko lle le tlhophilweng leo la tlhophilweng mmele wa ga Keresete le tla, Morena wa rona o tla bonala.

Selotlele sa ga Dafide. A Dafide e ne e se kgosi ya—Iseraele yotlhe? Mme a ga se gore Jesu ke Morwa Dafide go ya ka gore o tla nna mo setulong sa bogosi sa ga Dafide mo mileniamong mme a buse le go busa boswa ja Gagwe? E le ruri. Ka jalo selotlele sa ga Dafite se raya gore ke Jesu yo o tla tlang mileniamo. Ene Yo o nang le dilotlele tsa lesa le bopipo o tla tsosa ba Gagwe gore ba tle ba nne le seabe mo bogosing ja Gagwe ja tshiamo mo lefatsheng.

A bo go le molemo jang ne go bo Morena wa rona a na le dikarabo tsotlhe! Ka boammaaruri mo go Ene ditsholofetso tsa Modimo di a diragadiwa. E le ruri ka go nna MO GO ENE re baruaboswa ba se a se re reketseng.

Ee, o Eme foo, Morena wa Kgalalelo. Fa a ne a le Rara, o ne a dikologilwe ke baengele, baengelebagolo, ditšheruba le boserafe le masomosomo otlhe a legodimo, ba goa ba re, "O boitshepo, o boitshepo, o boitshepo Morena Modimo wa masomosomo". O ne a le boitshepo mo e leng gore ga go na motho ope yo o neng a ka kgona go Mo atamela. Mme jaanong re mmona mo phuthegong, re nna le seabe mo boitshepong ja Gagwe, go fitlha re nna tshiamo ya Modimo ka ene. Ee, mme O eme foo, "Jesu, Yo o Itekanetseng—mo Dilong Tsotlhe,"—Lily of the Valley, Naledi e e Phatsimang le ya Moso, E e Molemo go Gaisa ya Dikete Tse di Lesome, Alefa le Omega, Modi le Lesika la ga Dafide, Rara, Morwa le Moya o o,"—Boitshepo— Sengwe le Sengwe le mo go Sengwe.

Isaia 9:6,

"Gonne re tsaletswe Ngwana, re neilwe Morwa, mme puso e tlaa nna mo magetleng a gagwe: leina la Gagwe o tlaa bidiwa Mogakolodi yo o Gakgamatsang, Modimo o o thata, Rara wa Bosakhutleng, Kgosana ya Kagiso."

Mo go Ene ke boitekanelo ka botlalo. Le fa re kile ra bo re sa Mo tseye a le botlhokwa, gone jaanong re a Mo rata ka boipelo jo bo ka se kang ja tlhalosiwa le jo bo tletseng kgalalelo. O Eme mo gare ga kereke, mme re tla opela dipako tsa Gagwe, gonne Ene Mofenyi Yo o Maatla ke tlhogo ya kereke e e leng monyadiwa wa Gagwe. O rekile monyadiwa yoo. Ke wa Gagwe. Ke wa Gagwe e bile ke wa Gagwe fela mme o a mo tlhokomela. Ke ene kgosi ya rona mme re bogosi ja Gagwe, boswa ja gagwe ja bosakhutleng.

Jaanong le tla gakologelwa gore kwa tshimologong ya temana 7, ke ne ka re temana 9 e tla re thusa go e tlhologanya. Ke solofela gore le lemoga se ke neng ke se raya. Jesu o ne a itlhalosa e le Ene yo o boitshepo, yo o boammaaruri, (kgotsa yo o boammaaruri a le esi), Ene yo o tshotseng selotlolo sa ga Dafite, Ene yo o bulang le go tswala. Mme seo se boammaaruri tota. Mafoko ao a Mo tlhalosa sentle. Mme Bajuta ba paka ya Gagwe ba ne ba Mo gana le sengwe le sengwe se A neng A le sone. Ba ne ba gana Mmoloki wa bone le sengwe le sengwe se A neng A ba direla sone. Mme motho yo o ipitsang Mokeresete jaanong o dirile se se tshwanang. Ba dirile se Bajuda ba neng ba se dira. Bajuda ba ne ba mo bapola mme morago ga moo ba ne ba tlogela modumedi wa boammaaruri. Motho yo o ipitsang Mokeresete o ne a mo bapola gape mme a retologela mo kerekeng ya boammaaruri go e senya. Mme Modimo ke ene boammaaruri, mme Ene yo o kwa godimo ga sengwe le sengwe o tla boa gape.s. Mme jaaka a itshupa mo lefatsheng, mme lefatshe lotlhe le ikoba fa pele ga dinao tsa gagwe, ka nako eo lefatshe lotlhe le tla ikoba fa pele ga dinao tsa baitshepi, go supa gore ba ne ba siame fa pele ga gagwe. A go bakwe Modimo ka bosakhutleng!

Paka Ya Dikgoro Tse di Bulegileng

Tshenolo 3:8,

"Ke itse ditiro tsa gago; bona, ke go buletse mojako, o go seng ope yo o ka o tswalang; gonne o na le thata e potlana, mme o tsheditse lefoko la me, wa se ka wa itatola Leina Lame."

Polelwana ya ntlha ya temana e, "Ke itse ditiro tsa gago", e sekasekwa mo temaneng e e setseng, ka gonne ditiro tsa bone di ne di amana le 'kgoro e e bulegileng,' 'maatla a mannye,' 'Lefoko le Leina.'

Gore re kgone go tlhologanya bokao ja mafoko a a reng "Bonang, ke baya kgoro e e bulegileng fa pele ga lona, mme ga go na motho ope yo o ka e tswalang", jaanong re tshwanetse go gakologelwa se se builweng ka motlha mongwe le mongwe o o fetelang mo go o mongwe. Go na le go kopana, go nyerologa kana go nyelela, go na le gore go fele ka tshoganyetso le go simologa sentle. Segolobogolo motlha ono o fetela mo motlheng o o latelang. Mme ga se fela gore paka e e felela mo pakeng ya bofelo, mme ka ditsela di le dintsi paka ya bofelo ke go tswela fela gapaka ya borataro. Paka ya bosupa (paka e e khutshwane thata) o kgobokanya bosula jotlhe ja paka nngwe le nngwe, mme le fa go ntse jalo, tota le boammaaruri ja Pentekosete, gore bo dirwe ka bonako. Fa Pakaya Filadelefi e setse e fetile, Paka ya Laodikia e tla ka bonako, e tliša mefero le korong go tla go robiwa,

"Simolola pele ka go bofa mefero gore e fisiwe, mme o phuthele korong mo ntlong yame ya polokelo."

Mathaio 13:30.

Tsweetswee gakologelwa gore Paka ya Saredisa e ne ya simolola phetogo e e sa ntseng e tshwanetse go tswela pele go fitlha peo e e neng ya jalwa ka Pentekosete e nna le modikologo o o feletseng wa go jala, go nosetsa, go fepa, jalo le jalo, go fitlha e boela gape mo peong ya ntlha kwa

tshimologong. Fa se se ntse se direga, mefero e e neng ya jalwa e ne e tla tshwanelwa ke gore e fete mo modikologong wa yone mme le yone e rojwe. Ke sone se re bonang se diregala. Fa o ka akanya ka dipaka, o ka kgona go bona setshwantsho se se molemo sa se. Semela se o se bonang se gola ka maatla a sone otlhe ka selemo, ka tshoganyetso fela se lebega se tla jala peo. Ga o kgone go itse gore selemo se ne sa fetoga ka letlhabula leng—se ne sa nyelela fela. Go ntse jalo ka dipaka, mme segolobogolo ka dipaka tse pedi tsa bofelo.

Ke mo pakeng e e Jesu a reng, 'Ke tla ka KA BONAKO' mo temaneng ya 11. Seo se dira gore paka ya bofelo gore e nne khutshwane thata. Laodikia ke motlha wa go dira ka bonako. E khutshwafaditswe.

Jaanong re tla lebelela kgang ya KGORO E E BULEGILENG e e ka se tswalweng ke motho ope. Sa ntlha ke batla go bua ka kgoro e e bulegileng e e bontshang maiteko a magolo a borongwa a paka e. Paulo o ne a re tiro e ntšha ya borongwa mo go ya go rera Efangelike kgoro e e bulegileng.

Bakorintha 2:12,

"E rile ke sena go fitlha kwa Teroase go rera Efangele ya ga Keresete, mme ke buletswe mojako ke Morena,"

Ka jalo re kgona go bona ka go bapisa Dikwalo gore kgoro e e bulegileng e ne e tshwantshiwa le go anamisiwa ga Efangele ka tsela e kgolo go feta epe e lefatshe le kileng la e bona.

Ke batla gore le lemoge sengwe fa. Modimo o bereka ka boraro , a ga go anna jalo? Kereke e ne ya nyalana le puso mo pakeng ya boraro kana Pakaya Pergame. Ditiro tsa Banikolaite di ne di fetogile thuto ya Banikolaite. Dipaka tseo e ne e le nako ya KGORO E E BULETSWENG mofine wa maaka.. Fa e sena go tshedediwa ke maatla a puso e ne ya nna tsamaiso ya lefatshe tota le mororo e ne e bidiwa ka leina la Bokeresete. Ka jalo e ne ya anama jaaka molelo wa naga. Mme jaanong, morago ga dipaka tse tlharo, morago ga ntwana e telele le e e thata ya tumelo, ke gone go tla kgoro e e bulegetseng boammaaruri. Lefoko la Morena jaanong le na le nako ya lone. Gone mme, paka ya botlhano e ne ya dira gore go nne le phetogo e e kgolo, ka gone paka eo e ne ya re naya dilo tse re neng re di batla, go gapa dinaga, go gatisa dibuka, jalo le jalo.

Go ka bo go ne go le molemo tota fa 'kgoro e e bulegileng' e ka bo e ile ya latela sekao sa Modimo sa Pentekosete se se tlhalosiwang mo go Bahebera 2:1-4, "Ke gone ka moo re tshwanetseng go tlhokomela bogolo dilo tse re di utlwileng, e se re gongwe ra kgopiwa. Gonne mo lefoko le le builweng ke baengele le ne le tlhomame, mme tlolo nngwe le nngwe le botlhokakutlo bo amogetse tuelo e e tshwanetseng, rona re ka falola jang, fa re tlhokomologa poloko e e kalo? e e neng ya simolola go buiwa ke Morena, mme ya re tlhomamisediwa ke ba ba e utlwileng. Modimo le one wa supa ka yone, ka ditshupo le dikgakgamatso le ka ditiro tse di gakkamatsang tsa mefutafuta, le ka dineo tsa Mowa o o Boitshepo, ka fa thatong ya one. Jaanong re a itse gore se ke sekao se Jesu ka boEne a neng A se ruta.

Mareko 16:15-20,

"Mme A ba raya A re, Tsamayang mo lefatsheng lotlhe, le rerele lebopo lotlhe Efangele.

Yo o dumelang, mme a ba a kolobediwa, o tla bolokwa; mme yo o sa dumeleng o tla atlholwa.

Mme ditshupo tse di tla bo nagala mo go bone ba ba dumelang; Ba tla kobela matimone kwantle ka Leina Lame; ba tla bua ka dite me tse dintšhwa;

Ba tla tshwara dinoga, mme fa ba ka nwa se se bolayang, ga se ketla se ba dira sepe; ba tla baya balwetse diatla, mme ba tla fola.

E rile Morena Jesu a sena go bua nabo, a amogelwa kwa legodimong, a nna ka mo ntlheng ya letsogo la moja la Modimo.

Mme bane ba ya ba rera mo mafelong otlhe, Morena a dira nabo, a tlhomamisa Lefoko ka ditshupo tse di le latelang. Amene."

Ga a ise a ko a ba bolelele gore ba tsamaye le lefatshe lotlhe ba tlhoma dikole tsa Baebelo; e bile ga a ka a ba bolelele gore ba anamise dibuka. Jaanong dilo tseo di siame, mme se Jesu a neng a re ba se dire e ne e le go RERA EFANGELE—ba kgomarele LEFOKO—mme go tswa foo ditshupo di ne di tla latela. Tsela ya ntlha e re neng ra simolola go itse ka yone kafa Bogosi ja Modimo bo neng bo tshwanetse go rerwa ka teng ke fa A ne A roma ba ba lesome le bobedi. Mo go Mathaio 10:1-8, O ne a ba laela le go ba ruta ka tsela e,

"Mme e rile fa a sena go bitsa barutwa ba gagwe ba ba lesome le bobedi, O ne a ba naya thata ya go kobela ntle mewa e e itshekologileng ntle, le go fodisa malwetse otlhe le makoa otlhe.

Maina a baapostolo ba ba lesome le bobedi ke a; Wa ntlha ke Simone yo o bidiwang Petoro, le Andrea morwa-rraagwe; le Jakobo morwa Sebeteo, le Johane morwa-rraagwe;

Filipo le Bartholomeo, Thomase le Mathaio wa mokgethisi, Jakobe morwa Alefeo le Lebateo yo o bidiwang Thateo;

Simone wa Mokanaane, le Juta Isekariote yo o neng a mo oka.

Bone ba ba lesome le bobedi ba, Jesu o ne a ba roma, a ba laela a re: Le se ka la tsaya tsela ya baheitane, le e seng go tsena mo motseng ope wa Basamaria.

Mme bogolo le ye kwa dinkung tse di latlhegileng tsa ntlo ya Iseraele.

Mme e re le ntse lo tsamaya, le rere le re, Puso ya legodimo e gaufi.

Fodisang balwetse, phepafatsang balepero, tsosang baswi, kobelang matimone kwantle: Le amogetse mahala, nayang magala."

Bodiredi jo A neng A bo ba naya tota e ne e le go ba abela bodiredi ja Gagwe, ka gore ya re mo go Mathaio 9:35-38,

"Mme Jesu a tsamaela le metse le metsana yotlhe, a ruta mo disenagogeng, a rera Mafoko a a Molemo a bogosi, a fodisa malwetse mangwe le mangwe otlhe fela.

Mme e rile fa a bona boidiidi, O ne a ba thomogela pelo, ka ba ne ba bogile, ba gasame jaaka dinku tse di senang modisa.

Go tswa foo A raya barutwa ba gagwe A re: Thobo e kgolo ruri, mme barobi ba babotlana; Ka moo rapelang Morena wa thobo gore a romele barobi mo thobong ya Gagwe."

Jaanong batho ba le bantsi ba akanya gore ke baaposetoloi fela ba ba neng ba neilwe bodiredi jo ke Morena wa rona Jesu, mme ka jalo fa ba ne ba swa, bodiredi joo bo ne ja fela. Ga go a nna jalo.

Mo go Luke 10:1-9, re fitlhela gore mo malatsing a fa A ne A le mo lefatsheng O ne a setse A simolotse go naya badiredi ba Gagwe maatla,

"Morago ga dilo tseo Morena a tlhomamisa ba bangwe ba le masome a a supa, a ba roma gore ba tsamae ka bobedi le bobedi go mo etelela pele kwa motseng mongwe le mongwe le felong gongwe le gongwe kwa A tla fitlhang teng ka BoEne.

Ka jalo A ba raya A re. Thobo e kgolo ruri, mme barobi ba babotlana. Ka gone rapelang Mong wa thobo gore a romele barobi mo thobong ya Gagwe.

Tsamayang ditsela tsa lona; bonang, ke le roma jaaka dikwana mo gare ga diphiri.

Lo se ka la tsaya ksepache, le fa e le madi, le fa e le ditlhak: le gone le se ka la dumedisa ope mo tseleng.

Mme le fa lo tsena mo ntlong efe, buang pele le re, A kagiso e nne le ntlo e!

Mme fa go nang le Morwa wa kagiso teng, kagiso ya lona e tlaa nna mo go ene; mme fa go sa nna jalo, e tlaa boela kwa go lona gape.

Mme le nne mo ntlungeo, le ja le nwa dilo tse ba nang le tsone jaaka fa ba le difa : ka gore modiri o ctshwanetswe ke go duelwa se a se firetsweng. Le seka la tsamaya ntlo le ntlo.

Mme le fa lo tsena mo motseng ofe, mme ba lo tshola, lo je tse ba di lo bayang pele:

Mme le fodise balwetse ba ba mo go yone, le ba ree le re: Puso ya Modimo e le atametse."

Ke mang yo o neng a ka gana bodiredi jo bogolo ja ga Filippo? Ke mang yo o neng a ka gana bodiredi jo bo maatla ja ga Irenaeus, Martin, Columba, Patrick le ba bangwe ba bantsi ba ba neng ba tloditswe ke Modimo?

Ee. Tsela ya Baebele ke tsela ya mmatota ya kgoro e e bulegileng. Mme ke batla go oketsa seo ka bopaki ja me. Lebaka la go bo ke tshwanetse go dira jalo ke ka gonne ke kgona go bua ka tlhomamo fela ka se Modimo a se dirileng mo botshelong ja me. Ka jalo, fa le ka intshwarela go bua sengwe ka nna fa ke tla le bolelela gore ke itse jang ka tlhomamo gore Jesu o ntse a tshwana maabane le gompiano le ka bosakhutleng le gore maatla a Modimo a sa ntse a le teng mo go ba ba tla dumelang le go a amogela.

Fa ke lemo loetong lame la borongwa kwa Afrika Borwa, Modimo o ne a ntshegofatsa thata mo e leng gore fa ke ne ke tla kwa Durbanle eneng e le lefelo le le neng le ka kgona go amogela batho e ne e le lebala le legolo la mabelo le e leng la bobedi ka bogolo mo lefatsheng. Boidiidi joo bo ne bo feta 100 000. Gore ba tshegetse molao le tolamo ba ne ba tshwanetse go aga legora go kgaoganya merafe e e farologaneng. Ba ne ba romela mapodise a le makgolokgolo go didimatsa boidiidi joo. Mewa eo e e neng e tshwerwe ke tla e ne e tsamaile dikilometara di le dintsi. Kgosigadi nngwe ya kwa Rhodesia e ne e tlile ka terena ya dikolotsana di le 27 tse di neng di tletse ka batho ba ba tlhologang mo Afrika. Ba ne ba kgaratlha go kgabaganya masimo le dithaba ba belege ba ba neng a tlhoka thuso mo mekwatleng ya bone ka dikilometara di le dintsi. Batho botlhe ba ne ba gakgamadiwa ke dikgakgamatso tse di neng di dirwa ke Mowa o o Boitshepo.

Thapama nngwe fa ke ne ke simolola go rera, mongwe wa Ba-Mohammedan ba le diketekete o ne a tla mo ko pele ko borelong. Fa a ntse a eme fa pele game, morongwa mongwe wa Ba-Mohammedan o ne a simolola go kopa Morena ka bonolo a re, "Ao, ka mowa oo o o tlhwatlhwakgolo. Oh, ka ntlha ya mowa oo o o tlhwatlhwakgolo." O ne a na le dingwaga di le dintsi a le koo, mme go ya ka se a neng a se bua, o ne a bone Mo-Mohammedan a le NNGWEFELA a tla go amogela Jesu Keresete jaaka Mmoloki. Kwa tshimologong e ne e le Bameda le Baperesia ba melao ya bone e sa fetogeng. Ba thata go ba sokolola. Go bonala fa molao wa gore "Fa motho a kile a nna Mo-Mohammedane, o tla nna a ntse a le Mo-Mohammedane" ke molao magareng wa bone.

Fa a ntse a eme fa pele ga me, ke ne ka simolola go bua le ene le diketekete tseo tsotlhe ka dithanolo. Ke ne ka re, "A barongwa ga ba a go bolelela ka JESO Yo o neng a tla go go boloka?" Ekare o ka bo o ne o le teng go bona batho ba lebabana fa ke bua jalo. Mme fa ba ne ba araba ka gore seo se ne se le boammaaruri ke ne ka tswelala mme ka re, "Mme a barongwa ba ne ba le balela mo bukeng e (ke ne ka tsholetsa Baebele yame gore ba bone) gore Jesu yo e ne e le mofodisi yo o mogolo, le gore O ne a tla tshela mo bathong ba Gagwe go ralala dipaka go fitlha a tla gape go ba amogela mo go Ene? A ba ne ba go bolelela gore ka ntlha ya one mowa oo o neng o le mo go bone o o neng o le mo go Jesu ba ne ba tla kgona go dira ditiro tsa maatla fela jaaka Jesu a ne a dira? A ba ne ba go bolelela gore o ka kgona go fodisiwa, fela jaaka o ka bolokwa? Ke ba le kae ba lona ba le ka ratang go bona Jesu a tla mo gare ga rona mme a dira dilo tse di tshwanang le tse a neng a di dira fa a ne a le mo lefatsheng bogologolo?" Botlhe ba ne ba batla seo. Ke sengwe se sengwefela se ba neng ba dumalana ka sone.

Ke ne ka tswelala ka go re, "Fa e le gore Jesu ka Moya wa Gagwe o tla dira se a neng a se dira fa a ne a le mo lefatsheng, a le tla dumela Lefoko la Gagwe, gone?" Mme ke ne ke na le mosadi yoo wa Mo-Mohammeda fa pele game. Mowa o ne wa simolola go bereka mo go nna.

Ke ne ka mo raya ka re, "O a itse gore ga ke go itse. Ga ke kgone le go bua puo ya lona." O ne a dumelana le seo. Ke ne ka mo raya ka re, "Fa e le go go fodisa, o a itse gore ga ke kgone. Mme o ne wa utlwa molaetsa o thapama mme wa ntlhaloganyana." Moranodi wa gagwe wa Moindia o ne a mo araba a re o a tlhaloganyana, ka gonne o ne a badile Tesetamente e Ntšha.

Jaanong Ba-Mohammed ke ditlogolwana tsa ga Aberahame. Ba dumela mo Modimong a le Mongwefela. Mme ba gana Jesu e le Morwa Modimo mme go na le moo ba tsaya Mohammed e le moperofeti wa Gagwe. Ba bolela gore Jesu ga a ise a ko a swe le gore ga a ka a tsoga gape. Ba rutiwa seo ke baruti ba bone mme ba a se dumela.

Ke ne ka mo raya ka re, "Mme Jesu o sule a bo a tsoga. O ne a romela Mowa wa Gagwe gape mo kerekeng. Mowa oo o neng o le mo go Ene ke one Mowa oo o leng mo kerekeng jaanong mme o ka dira se Jesu a se dirileng.

O ne a bua jaana mo go Johane 5:19,

"Morwa ga a kake a dira sepe a le nosi, fa e se se a se bonang Rara a se dira: ka gonne se A se dirang, Morwa le ene O se dira se se tshwanang"

Jaanong he, fa Jesu a ka tla mme a mpolelela gore bothata ja gago ke eng kana gore o tlile go dira eng fa—fa a ka mpolelela gore o ne o dira eng mo nakong e e fetileng, a ruri o ka dumela gore o tla dira eng mo isagweng?"

O ne a bua jaana a dirisa moranodi wa gagwe: "Ee, nka kgona."

Ke ne ka re, "Go siame, a a dire jalo."

Batho bao ba tumelo ya ga Mahomme ba ne ba kebeletse ka kelotlhoko. Botlhe ba ne ba okometse ko pele go bona se se neng se tla diragala.

Go tswa foo Moya o o Boitshepo o ne wa bua, "Monna wa gago ke monna yo mokhutshwane, yo o mokima, yo o nang le ditedu tse dintsho. O na le bana ba babedi. O ne wa ya kwa ngakeng malatsi a le mararo a a fetileng mme a go tlhatlhoba. O na le kgeleswa mo popelong."

O ne a oba tlhogo a bo a re, "Ke boammaaruri."

Ke ne ka mmotsa jaana, Ke ne ka mmotsa jaana, "Go tsile jang gore o tle kwa go nna, ke le Mokeresete? Ke ka ntlha ya eng fa o ne o sa ye kwa moporofeting wa gago wa Mahomete?"

O ne a re, "Ke akanya gore o ka nthusa."

Ke ne ka mo raya ka re, "Ga ke kgone go go thusa, mme fa o amogela Jesu Keresete e le Mmoloki wa gago, Ene yo o fa gone jaanong, yo o itseng sengwe le sengwe ka wena, o tla go thusa."

O ne a re, "Ke amogela Jesu jaaka Mmoloki wame." Ga bo go feletse. O ne a fodisiwa mme batho ba ka nna dikete di le lesome ba ba dumelang mo go Mahomete ba amogela Jeso Keresete jaaka Mmoloki wa bone ka letsatsi leo ka gonne Efangele e ne e rerwa ka Lefoko le ka maatla. Modimo ga a ise a ko a bolelele motho gore a bereke dingwaga di le masome a mararo mme a se ka a roba sepe. O re neile kgoro e e bulegileng ya Lefoko le maatla mme ke sone se re tshwanetseng go se dirisa. Ke sone se se neng sa dira gore Paulo a kgone go dira bodiredi ja gagwe jo bogolo le jo bo nang le maduo. 1 Bakorintha 2:4, "Mme puo yame le thero yame di ne di se ka mafoko a a tlhotlheletsang a bothale ja motho, mme e ne e le ka ditshupo tsa Mowa le maatla."

Ntheetsang jaanong. E ne e le ka nako ya loeto le fa ke ne ke palama sefofane kwa New Salisbury, kwa Rhodesia, fa ke ne ke bona setlhopho sa batho ba le bane ba ba neng ba tshotse dipasa tsa Amerika. Ke ne ka ya kwa go bone mme ka ba raya ka re, "Dumela, ke bona gore lo na le dipasa tsa Amerika. A le ya golo gongwe?"

Lekawana le le ne la nkaraba ka go re, "Nnyaa, rotlhe re barongwa mono."

"Gomolemo jang", ke ne ka araba jalo. "A o tsile ka bowena kana o berekela mokgatlho mongwe?"

"Re Ba-Methodisete. Re tswa kwa Wilmore, Kentucky," a fetola.

"Ke ne ka mo araba ka re, "Ke mokang go leng ko morago ga jarata yame".

"A ga o Mokaulengwe Branham yo o tswang kwa tseleng e e ko godimo?"

Ke ne ka re, "Ee, go ntse jalo." Seo se ne sa mo didimatsa. O ne a ka se tlhole a bua sepe gape—le tsela e ene le basetsana bao ba bararo ba neng ba lebana ka yone. Ka jalo ke ne ka re, "Mpa motsotsonyana morwaaka, ke batla go bua le lona lotlhe ka melao mengwe, ka gore rotlhe re Bakeresete e bile re tsile ka maikaelelo a magolo. Jaanong wa re lotlhe ka bone ja lona le na le dingwaga tse pedi lentse le le fa. A le ka bua mo Leineng la ga Jesu gore le ka supa motho a le mongwefela yo le neng la mo sokolola gore a ineele mo Moreneng?" Ba ne ba palelwa.

"Ga ke batle go lo utlwiswa bothoko, basetsana," ke ne ka re, "Le tshwanetse ke go bo le le kwa gae ko lapeng le thusa thusa bommaalona go tlhatswa dilwana. Ga o na tshwanelo ya go tsamaya o rera fa o sa tladiwe ka Moya o o Boitshepo mme o rera Efangele ya boammaaruri o bontsha maatla a Mowa o o Boitshepo. Fa e le gore ga o bone maduo a Jesu a neng a re o tla a bona, ke ka gonne ga o rere Efangele ya boammaaruri."

Mme ke tswelele ke le bontshe ka fa dilo di tshwanetseng go nna ka teng mo bodireding ja borongwa. Ga ke re go ntse jana gotlhe, mme ke a boifa ka gore go ntse jalo ka bontsi. E ne ya re fa ke ntse ke le mo loetong le le tshwanang le le mme ke etela Durban le ratoropo ke ne ka bona motho mongwe wa mo lefelong leo yo o neng a na le letshwao mo molaleng ya gagwe mme a tshwere modingwana. Ke ne ka botsa tsala yame gore letshwao leo ke la eng mme a nthaya a re fa motho wa mo lefelong leo a amogela Bokeresete ba mo tshwaa. Seo se ne sa nkgakgamatsa tota, ka gonne ke ne ka bona monna mongwe yo o neng a ipitsa Mokeresete a tshotse setshwantsho seo, ka jalo ke ne ka mmotsa gore seo se ne se ka direga jang.

A ba a re, "Ke kgona go bua puo ya gagwe. A re ye ko go ene mme ke tla bua le ene."

Mme re ne ra tsamaya ra ya ko go ene mme ratoropo o ne a nna motoloki wame. Ke ne ka botsa rre yo gore a ke Mokeresete. O ne a tlhomamisa gore eleruri ke Mokeresete. Go tswa foo ke ne ka mmotsa gore ke ka ntlha ya eng fa a ne a tshotse modingwana fa e le gore e ne e le Mokeresete. O ne a araba ka gore ke modingwana o rraagwe a neng a tsamaya ka one mme o ne a mo tlogelela. E rile fa ke mmolelela gore ga go na Mokeresete ope yo o tshwanetseng go tsamaya a tswere medingwana o ne a araba ka gore modingwana oo one wa thusa rraagwe thata. Ke swegaswega ke batla go itse gore jang, mme o ne bua gore rraagwe o ne a kile a sala morago ke tau, mme o ne a gotsa molelo gape a bo a bua le modingwana ka tsela e a neng a rutilwe ka yone ke matswetswe. Mme tau e ne ya mo tlogela. e tsamaela gosele. Ke ne ka mmolelela gore e ne e le molelo o o neng wa tshosa tau ka gore diphologolo tsotlhe tsa naga di tshaba molelo. Ga ke ka ke ka tlhola ke lebala karabo ya gagwe. O ne a re, "Go ntse jaana, fa Amoyah (Mowa) a palelwa, modingwana o ke o tshwereng o ga o kitla o palelwa."

(Pego ka botlalo ya letsholo la kwa Afrika e ka fitlhelwa mo bukeng e e bidiwang, "Moporofeta o Etela Africa.")

Ao ke ke one fela maatla a boidiidi ja Bakeresete bo nang le one ka gore Lefoko ga le a ka la ba tsisa ko kgorong e e bulegileng ya ko tshimologong ya Pentekosete.

Jaanong a re boeleng kwa kgorong e e bulegileng ya borongwa ya Philadelphia Age. E ne e sena kgoro e e bulegileng ya maatla e e neng e tshwanetse go nna le one. Ela tlhoko gore mo temaneng e yone eo o umaka kgoro e e e bulegileng. A re, "O na le nonofonyana". Go ntse jalo. MAATLA a Mowa a ne a tlhabela mo pakeng eo. Lefoko le ne e reriwa sentle. E ne e kgona go tlhalefisa mewa gore e bolokwe. Mme maatla a magolo a Modimo a a neng a supa ditiro tsa gagwe tse di maatla, a a neng a dira gore letsogo la Gagwe le se ka la itshupa mo boemong ja ba Gagwe, a ne a bonale fa e se mo ditlhopheng tse di neng di gasame. Lefa go ntse jalo, re galaletsa Modimo, e ne e ntse e gola e bile e oketsegile go feta se ba neng ba na le sone ka nako ya Diphetogo.

E ne e le ka paka e fa monna yo gantsi re mmitsang re re rra borongwa a ne a tsamaya. William Carey, yo e neng e le moroki wa ditlhako mo motseng, yo e neng e le modisa wa Kereke e e bidiwang Particular Baptist kwa Moulton, kwa Engelane, o ne a thantsha batho thata ka go rera ka maatla ka gore, "A taelo e e neng ya newa Baaposetoloi ya go ruta ditšhaba tsotlhe e ne e sa tshwanela badiredi botlhe ba ba neng ba tla latela go fitlha kwa bokhutlong ja lefatshe, ka gone tsholofetso e e neng e tsamaisana le yone e ne e lekana." O ne a lwantshiwa ke ba tumelo ya ga Calvin ba ba neng ba feteletsa dilo mo thutong ya go tlhophiwa ba dumela gore botlhe ba ba tla bolokwang ba tla bolokwa mme tiro ya borongwa e tla bo e le kगतलhanong le tiro ya Mowa. Mme Andrew Fuller o ne a thusa Rre. Carey ka go rera le go kokoanya madi. Di ne tsa ama batho thata mo e leng gore ka ngwaga wa 1792 go ne ga tlhomiwa mokgatlho wa go anamisa Efangele mo ditšhabeng tsotlhe. Mokgatlho o o ne wa romela Carey yo o neng a segofadiwa ke Modimo ka tsela e e bonalang fa a ne a fenywa mewa kwa India. Ka ngwaga wa 1795 Bokeresete jo bo tsositsweng bo ne ja tlhoma Mokgatlho wa Borongwa wa Lontone o re itseng sentle gore o ne wa kokoanya dimilione tsa diponto, mme wa romela barongwa ba le diketekete mo dingwageng go diragatsa dikeletso tsa Morena.. Mowa wa Modimo o ne o bereka mme "Dinku tse Dingwe" e ka tswa ya bo e ne e le selelo sa dipelo tsa badumedi bao ba ba neng ba le tlhaga.

"*Ke go buletse kgoro.*" Ke batla go leba mafoko a gape. Mo nakong e, le fa gone ke sa batle go ba kgaoganya le ditiro tsa bone, ke tsile go le tlišetsa kakanyo e e tla le thusang go fitlhelela kwa bokhutlong ja paka ya bofelo. Jaaka ke setse ke boletse, paka e e tšwelelela mo pakeng ya. E ne e le go ne mo pakeng e fa Jesu a neng a re, "Ke tla ka bonako" (mo temana 11), mme mo pakeng ya bofelo o ne a ya go "fedisa tiro le go e khutshwafatsa mo tshiamong; ka gore Morena o tla dira tiro e e khutshwane mo lefatsheng." Baroma 9:28. Ela tlhoko kafa temana e ya Tshenolo 3:8 e buang ka teng—"Kgoro e e butsweng—thata e potlana, Lefoko, Leina." Kgoro eo e e bulegileng e amana le dilo tse tsotlhe tse tharo. Jaanong kgorole kaya eng?

Johane 10:7 ya re,

"Foo Jesu a bua gape le bone a re: "Ammaaruri, ammaaruri ke le raya ke re: KE NNA KGORO YA DINKU."

Go ntse jalo: 'KE NNA' KE kgoro ya dinku. Jaanong se ga se polelwana e e tlwaelegileng. Se sentse jalo tota. Ela tlhoko mo go Johane 10 fa Jesu a ne a fasetshwantsho se, O ipitsa modisa. Go tswa foo O ipitsa kgoro. Mme ke sone se modisa a leng sone mo dinkung. Tota e bile ke kgoro ya bone.

Fa ke ne ke le kwa Botlhaba ke ne ka bona gore bosigo modisa o ne a tla phutha dinku tsa gagwe tsotlhe. O ne a di tsenya mo lesakeng. Go tswa foo o ne a di bala. Fa a sena go tlhomamisa gore di tšeng tsotlhe, o ne a rapama mo kgorong e e bulegileng ya lesaka mme a nna kgoro ya lesaka. Go ne go se na epe e e neng e tsena kana e tswela kwantle fa e se e feta ka ene. Ene e le kgoro. Letsatsi le le latelang fa ke ne ke tsamaya le tsala yame ka koloi eya jeep ke ne ka lemoga gore modisa o ne a simolola go etelela pele letsomane la gagwe go ya kwa toropong. Ka bonako fela pharakano yotlhe ya dikoloi e ne ya ema gore dinku di kgone go feta. Gone jaanong ditoropo tse di kwa Botlhaba ga di tshwane le tse di kwano. Re baya dithoto tsa rona tsa thekiso tsotlhe moteng ga mabentle a rona; mme koo ko botlhaba, go tshwana le mo mmarakeng o mogolo wa balemi o o nang le maungo le thobo yotlhe mo mmileng gore batho ba ba fetang ba di bone mme ba kgone go di reka. Ke ne ka akanya gore, 'Ao tlhe, ke gone mo dikhuduego di tla tsogang. Wena letela go fitlhelela dinku tseo di bona dijo tseo tsotlhe.'" Mme fa modisa a ntse a tsamaya, dinku di ne di mo sala morago tsotlhe di sala dikgatlo tsa gagwe morago. Di nedi lebelela merogo le tlhobo eo e e monate, mme ga go na nku epe e e neng e ka kgoma sepe. Oo, fa ke kabo ke itse go bua puo ya bone, nkabo ke ile ka emisa pharakano mme ka bo ke ba rerela ka se ke neng ke sa tswa go se bona.

Fa o le inku ya Modisa yo Mogolo, o latela dikgato tsa Gagwe ka tlhamalalo, fela jaaka dinku tseo di ne di dira. Ga o kitla o raelesega go fapogela kwa letlhakoreng le lengwe fa o bona sethunya se segolo sa kereke, kana go reetsa lentswe la D.D. kana Ph.D. kana L.L.D., mme o tla nna le Modisa. Baebele e

bua gore dinku di itse lentswe la Gagwe mme di Mo sala morago, mme lentswe la motswakwa le tla dira fela gore di tshabe le go tabogela kwa Modiseng wa tsone wa boammaaruri. A Modimo a Bakwe.

Mme seo ga se sone fela se ke neng ka se bona le go se ithuta koo. Ka letsatsi lengwe ke ne ka akanya ka go bona banna ba le mo masimong ba disa mefuta e e farologaneng ya diphologolo. Motho yo mongwe o ne a disa dikolobe, yo mongwe dipodi, yo mongwe dikamela, yo mongwe dimmoulo, jalo le jalo. Jalo ke ne ka botsa tsala yame e e neng e nna koo gore banna bao ba bitswa eng. "O, o ne a araba a re, "Ke badisa."

Ke ne ke sa kgone go dumela seo. Ke ne ka re, 'A o raya gore ke badisa BOTLHE. Badisa ba disa letsomane la dinku, a ga go a nna jalo?"

"O ne a re, "Nnyaa, modisa ke modisa kana mofudisi, ka jalo mongwe le mongwe yo o fudisang diphologolo ke modisa."

Seo se ne sa nkgakgamatsa. Mme ke ne ka lemoga pharologanyo fa gare ga badisa bao le ba ba neng ba tlhokomela dinku. Go ne ga nna bosigo mme ba bangwe botlhe kwantle ga modisa wa dinku ba ne ba tlogela matsomane a bone kwa nageng mme ba ya gae. Modisa o ne a tsaya dinku tsa gagwe, a di tsenya mo lesakeng a bo a di baya fa fatshe mme a nna kgoro ya dinku. A Modimo a bakwe, Modisa wa rona ga a ke a re tlogela kana a re latlha. Fa go nna bosigo ke batla go nna mo lesakeng la Gagwe. Ke batla go tlhokomelwa ke ene.

Jaanong he, re kgona go bona gore JESU KE KGORO. Ke Ene kgoro ya dinku. Mme ela tlhoko gore jaanong e bua ka ga KGORO E BULEGA. Ke eng seo fa e se tshenolo e e tswang kwa go Ene? Mme Tshenolo eo e a bulega gore e re neye Nonofu, go sedifatsa Lefoko le go galaletsa Leina la Gagwe. E ne e le fa gare ga dipaka tse pedi tsa bofelo fa tshenolo ya Bomodimo ja ga Jesu Keresete e nethunya ya ntlafala mo matlhong a rona. Ee, re ne re itse gore Ke Modimo. O ka nna Mmoloki wa rona ka tsela e fe e nngwe gape? Mme go itse gore E NE E LE MODIMO, KANA MODIMO A LE NOSI, yo a neng A le Tshimologo le Bokhutlo, gore Jesu yo e ne e le MORENA LE KERESETE—GO MO DIRA MORENA JESO KERESETE, RARA, MORWA LE MOWA O O BOITSHEPO, GOTLHE KE MOTHO A LE MONGWEFELA—yo o neng a latlhegile fa e sa le ka dipaka tsa kereke ya ntlha, mme jaanong re a mmona gape. Tshenolo YA SE A NENG A LE SONE e se tse e buile. Eleruri Modimo ga se Modimo wa batho ba bararo yo o nang le botho bo le bongwe, ka gonne go tlhokega botho gore motho a nne motho. Fa e le gore go na le botho bole BONGWEFELA, go na le motho a le mongwefela. Mme bao ba dumelang mo bathong ba bararo ba na le Modimo wa medimo e meraro mme ba molato wa go tlola taelo ya ntlha.

Mme tshenolo ya Bomodimo e ne ya boela. Jaanong kereke ya boammaaruri e ka agagega gape ka maatla. Kgabagare morago ga nako e yotlhe o itse gore Morena wa gagwe ke mang. Gape RE KOLOBETSAMO LEINENG LA MORENA JESU fela jaaka ba ne ba dira ka Pentekosete.

Mma ke le bolelele ka toro e ke neng ka e lora e e tswang kwa Modimong e e malebana le kolobetso ya boraro mo bongweng. Se e ne e se ponatshegelo, mme e ne e le toro. O a itse, ke a tlhomamisa, gore nngwe ya masego a pakaa ya kereke e ne e le go amogela ditiro ka Mowa o o Boitshepo, fela jaaka motho a ka amogela diponatshegelo. E ne e le ka nako ya boraro mo mosong wa Matlhatso. Ke ne ke sa tswa go tsoga gore ke ye go tsaela Josefa metsi gore a nwe. Fa ke rapama ke ne ka robala ka yone nako eo mme ka lora toro e. Ke ne ka bona monna yo ke neng ke akanya gore ke rre. E ne e le monna yo mogolo yo o nonofileng. Gape ke ne ka bona mosadi mongwe yo go neng go akanngwa gore ke mme, mme o ne a sa tshwane le ene, fela jaaka monna yo a ne a sa tshwane le rre. Monna yo o ne a le bosula thata mo mosading wa gagwe. O ne a na le motshameko o mogolo o o nang le dikhutlo di le tharo. A o itse gore fa o tsaya kotla mme o bo o e tlhoma ka ntlha e e ko bofelong ja yone mme wa bo o e phatsa ka selepe, e dira kotla e e corner tse tlharo e e tshwananng le logong lla molelo. Ene e ntse jalo. O ne a tle a tseye thobane e a bo a mo itaya ka yone, a ya bo e mo tikela fa fatshe. Fa a ntse a rapame foo a lela, o ne a tsamaya ka sehuba sa gagwe se le kwa ntle mme sefatlhego sa gagwe se ne se le motlotlo e bile a ikgantsha mo a neng a lebege a le mabela e bile a kgotsofetse tota ka go betsa mosadinyana yoo. Nako le nako fa a ne a re o leka go ema o ne a mo itaya. Ke ne ke sa rate se a neng a se dira, mme fa ke ntse ke akanya gore ke mo emise, ke ne ka akanya gore, "Ga ke kgone go lwantshana le monna yole —o mogolo thata. Go raya gore e tshwanetse ya bo e le rre." Mme mo teng ke ne ke itse gore e ne e se rre, e bile ke ne ke itse gore ga go na monna ope yo o nang le tshwanelo ya go tshwara mosadi jalo. Ke ne ka ya kwa go ene mme ka mo tshwara ka mogala mme ka mo retolosa ka re, "Ga o na tshwanelo ya go mo itaya." Mme e rile ke bua jalo dinamake ne ka gola mme ke ne ke lebege jaaka mokaloba. Monna yoo o ne a bona mmele wame o gola mme a ntshaba. Ke ne ka mo raya ka re, "Fa o ka mo itaya gape, o tla lebagana le nna". O ne a okaoka go mo itaya gape, mme ka bo ke thanya mo torong.

Ke ne ka tsoga ka bonako fela morago ga toro. Ke ne ka akanya gore seo se ne se sa tlwaelega. Ke ne ka ipotsa gore ke ka ntlha ya eng fa ke ne ke lora ka mosadi yoo, fa ka tshoganyetso fela a ne a tla, mme ke ne ka lemoga gore Modimo o teng mme tlhaloso ya toro e ne e tswa kwa go Ene. (Jaanong bathong le itse gore ga ke a ka ka tlhalosa ditiro tsa lona ka tlhomamo fela; mme ke le boletse gantsi,

gantsi, se le se lorileng pele ga le mpoletlela se le se lorileng.) Mosadi yo o emela kereke ya lefatshe gompieno. Ke ne ka tsholelwa mo mathateng—a a tshwanang le a gagwe.. O ne a tshwanetse go nna mofuta mongwe wa mme (ke mmaagwe diaka). Monna wa gagwe ke makoko a a mo busang. Letlapa la dikhutlo tse tharo ke kolobetso ya maaka ya boraro bo le bongwe go nna boraro bo le bongwe. Nako le nako fa a ne a simolola go ema (se se rayang gore diphuthego di ne tsa simolola go amogela boammaaruri) o ne a mo kgoromeletsa kwa tlase gape ka thuto eo ya maaka. O ne a le mogolo thata mo e leng gore ke ne ke mmoifa kwa tshimologong, mme fa ke ne ke mo lwantsha ke ne ka lemoga gore ke na le mesifa e megolo le e e nonofileng. E ne e le MESIFA YA TUMELO. Toro e e ne e le gore, ka gonne Modimo o na le nna, "e bile o kgona go nnaya nonofo e e ntseng jalo, jalo mme ke eme kगतलhanong le maatla a makoko a lefatshe mme ke mo dire gore a emise go mo itaya."

Jaanong ga ke leke go dira thuto ka toro. E bile ga ke leke go buelela thuto epe e ke e dumelang ka toro. Bongwefela ja Bomodimo bo fitlhelwa mo go Genesise 1:1 go ya ko go Tshenolo 22:21. Mme batho ba fofaditswe ke thuto e e seng ya Dikwalo yaboraro mo bongweng, mme thuto eo e amogetswe kabophara ja lefatshe go leka go bona "Motho a le Mongwe wa Modimo" ga go motlhofo. Fa batho ba sa kgone go bona BOAMMAARURI ja Bomodimo, mme ba bo lwantsha; ga ba kake ba kgona go bona boammaaruri jo bo setseng ka gonne TSHENOLO KE JESU KERESETE MO KERESITENG YA GAGWE LE DITIRO TSA GAGWE MO GARENG GA KEREKE KA DIPAKA TSE SUPA. A le tshwere seo? Jaanong ke tlhomamisa gore le a tlhologanya.

"Gonne o na le nonofo e e potlana, mme o bolokile Lefoko Lame, wa se ka wa itatola Leina Lame." Jaanong re setse re umakile kafa nonofo e neng e boela gape ka teng. E ne e ntse jalo. Maatla a Kgotlatshekelo e e Kगतलhanong le Boingaudi a ne a fokotsegile. Batho ba ne ba tlogetse malapa a bone mme ba batla kgotlatshego ya kobamelo. Jokwe ya bolaodi e ne e ntse e robega. Mebuso e ne e bona go le bothale gore di se ka tsa buelela setlhopho sengwe kगतलhanong le se sengwe. Tota e bile, batho ba ba neng ba na le maikaelelo a a siameng mme ba eteletse pele ba ba neng ba se na boeteledipele jo bo siameng ba ne ba ikaeletse go lwa ntwaga go sireletsa ditshwanelo tsa bone tsa bodumedi. Gongwe tsela e kgolo e bodumedi bo neng ja bontsha ka yone gore bo nonofile mo pakeng e e ne e le ka ntlha ya gore le fa gone Fora e ne ya wa ka nako ya diphetogo, tsosoloso e kgolo ya kereke ya ga Wesley e ne ya dira gore diphetogo di se ka tsa nna teng kwa Boritane mme ya dira gore e nne sedirisiwa mo diatleng tsa Modimo ka dingwaga di le dintsi tse di galalelang.

Go rerwa ga Lefoko go go ise go nne gogolo. Jaaka fa Satane a ne a tsosa masole a gagwe a batho ba ba akanyang ka kgotlatshego, jaaka fa batlhami ba bokomonisi ba ne ba tsoga, jaaka fa baithutabodumedi ba ba ratang kgotlatshego ba ne ba anamisa dilo tsa bone tse di leswe, Modimo o ne a tsosa masole a a maatla a tumelo, mme ditiro tse dikgolo tsa dibuka tsa Bokeresete le go ruta le go rera di ne tsa tswa mo pakeng eo. Bareri le baruntshi ba yone ga ba ise ba ko ba lekane e bile ga ba ketla ba lekana. Spurgeon, Parker, McClaren, Edwards, Bunyans, Meullers, Brainards, Barnes, Bishops, botlhe ba ne ba tswa mo pakeng e. Ba ne ba rera, ba ruta le go kwala Lefoko. Ba ne ba galaletsa Leina la Gagwe. Katlholo ya Mojuda wa Maaka

Katlholo ya Mojuda wa Maaka

Tshenolo 3:9.

"Bona, ke tliša bangwe ba Senagoge ya ga Satane, bone ba ba ipitsang Bajuda, mme e se bone, mme ba aka; Bona, ke tliša dira gore ba tle ba obamele fa dinaong tsa gago, le gore ba itse fa ke go ratile."

Jaanong re ka lemoga ka bonako gore bothata jo ja Mojuda wa maaka kana badumedi ba maaka bo ne bo setse bo le teng mo pakeng ya bobedi. Batho ba ba ba neng ba ipitsa Bajuda ka maaka ba ne ba tlhaga ka bonako fela morago go tlhagelela ga paka ya ntlha, mme jaanong ba tlhaga gape mo pakeng ya bobedi morago ga phetogo. Ga go bonale e le kotsi. Tota e bile, ga se kotsi. Ke molaomotho wa ga Satane. Molaomotho oo ke wa go rulaganya le go batla go nna motho yo o tlhomologileng mme ka jalo o na le ditshwanelo tse di kgethegileng le ditshono. Mme ke le bontsheng. Kwa morago mo pakeng ya mo pakeng ya Semerena batho ba ne ba bua maaka mme ba re ke Bajuda tota (kana badumedi) lefa tota ba ne ba se jalo. E ne e le ba sinagoge ya ga Satane. E ne e le boidiidi jo bo rulagantsweng ja ga Satane, ka gonne e ne e le ka paka eo re ne ra bona banna ba simolola go ipagololela mogodu mo bakaulengweng ba bone ba ba neng ba le mo bodireding. (Babishopo ba ba tlhomilweng mo dikgaolong, ba okametse bagolwane). Se se neng ra se bona se latela e ne e le pakeng ya boraro go ne go na le lefelo le le neng le bidiwa "setulo sa ga Satane". Paka eo e ne ya re fa lenyalo la kereke le puso. Kereke e ne e engwe nokeng ke puso e ne e sa ka ke ya fengwa ka gope.

Le fa go ntse jalo, Modimo o ne a fedisa puso eo mme diphetogo di ne tsa tsisa lesedi le legolo. Mme go ne ga diragala eng? BaLutere ba ne ba ba rulaganamme ba kopana le puso mme gape re bona sinagoge ya ga Satane e bonala mo pakeng eya borataro. Jaanong ka boammaaruri setlhopho se sa sinagoge ga se kitla se re ke sa ga Satane. Nyaa rra. Ba bua gore ke ba Modimo. Mme ba bua maaka.

Gonne yo e leng Mojuta wa boammaaruri (ke sone se ba ipolelang gore ba sone) ke yo e leng Mojuta mo teng—mo Moweng. Ka jalo fa e le gore ke Bajuda ba maaka go raya gore ba ntse jaaka Jude 19 e bua, "ba SENA Mowa". Bana ba Modimo ba ttsetswe ke Mowa. Ba ga ba na Mowa mme ka gone GA SE bana ba Modimo go sa kgathalesege gore ba nna kgatlhanong go le kana kang le gore ba leka go le kana kang go supa gore ke bone. BA SULE. Ke bana ba phuthego, mme ga e na maungo a boammaaruri. Ba ikaegile ka ditumelo tsa bone, dithuto tsa bone le dithuto tsa bone mme boammaaruri ga bo yo mo go bone ka gone ba tsere kgakololo ya bone go feta Lefoko la Modimo.

Mma ke le bontshe se ke neng ke ntse ke leka go le ruta sone ka ga ditlhare tse pedi tsa mofine tse di tswang mo meweng e mebedi e e farologaneng. Mo nakong e, tsaya sekao sa ga Jesu le Judase. Jesu e ne e le Morwa Modimo. Judase e ne e le morwa tatlhego. Modimo o ne a tsena mo go Jesu. Satane o ne a tsena mo go Judase.

Jesu o ne a na le bodiredi jo bo tletseng ja Mowa o o Boitshepo

"ka fa Modimo o tloeditseng Jesu wa Nasaretha ka Mowa o o Boitshepo le ka maatla ka teng, Yo o neng a ralala lefatshe a dira molemo, a fodisa botlhe ba ba gateletsweng ke diabolo; gone Modimo O ne Ana le Ene."

Ditiro 10:38. Ya re

"Gonne o (Judase) o ne a badilwe le rona, gape o ne a na le KAROLO mo bodireding jo."

Ditiro 1:17. Mathaio 10:1,

"Mme ya re fa a sena go bitsa barutwa ba gagwe ba ba lesome le bobedi, a ba naya thata ya go kobela mewa e e itshekologileng ntle, le go fodisa malwetse otlhe le makoa otlhe."

Moya oo o o neng o le mo go Judase o ne wa tswela pele ka nako ya bodiredi ja ga Jesu. Morago ga moo boobabedi ba ne ba tla ko sefapaanong. Jesu o ne a kokotelwa mo sefapaanong, O ne a neela botshelo ja bone ka boitumelo mo boemong ja baleofi mme a neela Modimo mowa wa Gagwe. MoWa wa gagwe o ne wa ya kwa Modimong mme wa tshololelwa mo kerekeng ka Pentekosete. Mme Judase o ne a ikaletsa mme mowa wa gagwe o ne wa boela kwa go Satane, mme morago ga Pentekosete one mowa oo o o neng o le mo go Judase o ne wa boela kwa mofineng wa maaka o o golang mmogo le wa boammaaruri. Mme elang tlhoko gore mowa wa ga Judase ga o a ka wa fitlha ka Pentekosete. Ga a ise a ko a ye go amogela Moya o o Boitshepo. O ne o ka seke. Mme moya oo wa ga Judase o ne wa felela kae? O ne wa ya kwa kgetsing ya gouta. Kafa o neng o rata madi ka teng. O ntse o rata madi. Fa o tsamaya ka leina la ga Jesu o dira dilo tse di maatla le go tshwara dipokano tse dikgolo, o santse o dira madi a mantsi le dikago, thuto le sengwe le sengwe se se nang le kgopolo ya dilo tse di bonalang. Ela tlhoko fela moya o o mo go bone mme o se ka wa tsiediwa. Judase o ne a tsamaya e le mongwe wa ba ba lesome le bobedi mme le ene o ne a dira dikgakgamatso. Mme GA A KA a nna le mowa wa Modimo jaaka e kete ke wa gagwe. O ne a na le bodiredi. Ga a ka a fitlhelela ko Pentekosete ka e ne e se peo ya boammaaruri. E ne e se ngwana wa boammaaruri wa Modimo. Nyaa rra. Mme go ntse jalo le gone jaanong mo sinagogeng ya ga Satane. O seka la tsiediwa. Ga o kitla o tsiediwa fa e le gore o mongwe wa ba ba tlhophilweng. Jesu o ne a re ga o kitla o tsiediwa.

Ee, batho ba ba bua gore ke Bakeresete mme ga se bone.

"Ke tla dira gore ba tle ba obamele fa pele ga dinao tsa gago, mme ba itse gore ke go ratile."

I Bakorintha 6:2,

"A ga lo itse gore baitshepi ba tlaa athola lefatshe?"

Ga go kitla go nna fela baaposetoloi ba le lesome le bobedi mo ditulong tsa bogosi ba athola merafe ya Iseraela e e lesome le bobedi, mme baitshepi le bone ba tla athola lefatshe.. Ke gone fa bao ba bolelang gore ke ba Modimo le gore Modimo o a ba rata ba tla itseng sentle gore ke mang yo e leng ngwana wa Modimo le gore ke mang yo Morwa A mo ratang. Ee, letsatsi leo le tla tla fa le tla le tla bonala. Ba bao jaanong ba busang lefatshe ka selekanyo se se rileng, mme bao mo pakeng o wa bofelo ba tla agela sebatana setshwantsho seo ba tla busang lefatshe ka sone, ka letsatsi lengwe ba tla kokobediwa fa Jesu a tla le baitshepi ba Gagwe go athola lefatshe ka tshiamo. Seo ke sone se re se boneng mo go Mathaio 25 fa "Botlhe" ba ba neng ba seka ba tsosiwa mo tsogong ya ntlha ba tla ema fa pele ga Moatlhodi le monyadiwa wa Gagwe.

Kakgolo le Tsholofetso

Tshenolo 3:10,

"Ka gore o bolokile lefoko la bopelotelele jame, le nna ke tlaa go tshegetsatsa ka nako ya

tlgaelesego, e e tla tlang go wela lefatshe lotlhe, go leka ba ba agileng mo lefatsheng"

O raya eneg fa a re "lefoko la bopelotelele ja Gagwe?" Bahebera 6:13-15. *"Gonne e rile Modimo a fa Aborahame tsholofetso, ka gore go nr go sena ope yo mogolo mo go ene go ikana ka Ene, O ne a ikana ka BoEne, Ammaaruri, ke tla go tshegofatsa, ke go atisa thata. Mme fa a sena go ithoka ka bopelotelele, o ne a bona tse a neng a di solofeditse."* Le a bona gore Mowa o bua ka Lefoko la Modimo le re le neilweng. Go letela go diragadiwa ga Lefoko leo go ne go tlhoka bopelotelele fela jaaka go ne ga tlhokega mo kgannyeng ya ga Aberahame. O ne a tswelela ka bopelotelele a dumela jaaka e kete o bona Ene yo o sa bonaleng. O ne a nna pelotelele mme kgabagare Lefoko la gagwe la diragadiwa. Modimo O ruta batho ba gagwe go nna pelotelele ka tsela e. Ka gore, fa a ne a ka diragatsa Lefoko la Gagwe ka go dira gore se o se rapelelang se diragale go ne foo fa o sena go rapelela sengwe, o ne o ka seke o ko o ithute nna pelotelele, mme o ne o ka nna o fela pelo thata mo botshelong. Tla ke le bontshe boammaaruri jono ka botlalo.

Bahebera 11:17,

"Ka tumelo Aberahame, e rile fa a lekiwa, a isa Isake gore a nne setlhabelo: ene yo o ne a a mo agetse e le tsholofetso (Lefoko la Modimo) o ne a ntsha morwawe yo o neng a tsetswe a le nosi."

Ke gore: Aborahame o ne a lekwa MORAGO ga a sena go amogela Lefoko la Tsholofetso. Ba le bantsi ba akanya gore fa re rapela ka Leina la ga Jesu' ka gore re na le ditsholofetso tse di molemo tsa Modimo ga go kitla go nna le teko. Mme fa go bolelwa gore Aborahame o ne a lekwa fa a sena go amogela tsholofetso.

Seo se boammaaruri tota go ya ka Mopesalema fa a bua ka Josefa, 105:19,

"Go fitlha nako e lefoko la gagwe le nen la diragadiwa ka yone, O ne a lekwa ke Lefoko la Morena."

Modimo o re naya ditsholofetso tse dikgolo thata gape tse di botlhokwa. O solofeditse gore o tla di diragatsa. O tla dira jalo. Mme go tloga ka nako e re rapelang ka yone go fitlha ka nako e re amogelang karabo ka yone re tshwanetse go ithuta go amogela bopelotelele mo meweng ya rona ka gore re ka bona botshelo fela ka go nna pelotelele. O ka re Modimo a ka re thusa go ithuta sengwe ka e le fa re itse gore batho ba ba paka ya thataro ba ithutile go nna pelotelele. Re bala ka ditso tsa matshelo a Bakeresete ba ba bagolo; a bo go bona pharologano e kgolo jang ne fa gare ga matshelo a bone le a rona ka gonne ba ne ba le pelotelele e bile ba didimetse, mme gompiono re fengwa ke go tlhoka bopelotelele le go dira dilo ka potlako.

O tswelela a ba raya a re, "Ka gonne o ne wa amogela Lefoko lame wa ba wa le boloka mme ka go dira jalo wa nna le boitshoko, le nna ke tla go boloka mo nakong ya thaelo e e tla tlang mo lefatshe lotlhe, go leka ba ba nnang mo lefatsheng"* Jaanong fa gape re bona gore dipaka tse pedi; ka gore tsholofetso e e amana le bokhutlo ja paka ya Baditšhaba e e felelang ka Pitlagano e Kgolo.

"Ke tlaa go boloka mo nakong ya thaelo e e tlaa welang lefatshe lotlhe go leka ba ba agileng mo lefatsheng." Temana e ga e bolele gore kereke ya boammaaruri e tla tsena le go falola pitlagano. Fa e ne e le gore e ne e raya seo e ka bo e buile jalo. Mme ya re: "Ruri ke tla go sireletsa mo nakong ya teko."* Thaelosego e e tswana le ya kwa Edene. E tla bo e le tsholofetso e e ipiletsang thata e e ganetsang Lefoko la Modimo ka tlhamalalo le le laetsweng, mme lefa go ntse jalo go ya ka tsela e batho ba akanyang ka yone e tla bo e le e e siameng tota, e e sedimosang ebile e naya botshelo mo e leng gore e tla tsietsa lefatshe.

Ke ba ba tlhophilweng fela ba ba se kitlang ba tsiediwa. Thaelosego e tla tla ka tsela e e latelang. Mokgatlho wa dikereke tsa mafatshe o o simolotseng mo go se se lebegang e le molaomotho o montle le o o segofaditsweng (go diragatsa thapelo ya ga Keresete ya gore rotlhe re nne bangwefela) o nna maatla thata mo dipolotiking mo e leng gore o gatelela puso gore e dire gore batho botlhe ba nne le seabe mo go one ka tlhamalalo kana ka go latela melaomotho e e tlhomilweng mo molaong gore go se ka ga nna le batho bape ba ba tla tsewang e le dikereke tsa mmatota kwantle ga fa ba le ka fa tlase ga taelo le tsamaiso ya lekgotla le. Ditlhopha tse dinnye di tla latlhegelwa ke tumalano, ditshiamelo, jalo le jalo, go fitlha di latlhegelwa ke dithoto tsotlhe le ditshwanelo tsa semowa le batho.

Fa ke fa sekai, gone jaanong mo toropong tse dintsi ga o kgone go hirisa kago epe go tshwarela ditirelo tsa bodumedi mo go yone, metseng e le mentsi, fa e se fela fa phuthego ya bodiredi ya lefelo leo e dumela, motho ga a ka ke a hira kago e a tla tshwarelang ditirelo tsa bodumedi mo go yone, fa e se di sa dumelwa ke lekoko la bodiredi ja toropo. Gore motho a nne moruti wa sesole, wa kokelo, jalo le jalo, jaanong o patelesega gore a amogelwe mo ditlhopeng tsa kereke dikereke tse di dumelang mo borarong jo bo mo bongweng. Fa kgatelelo e e ntse e oketsega, e bile e tla oketsega, go tla nna thata go e gana, ka gore ga o e gana go raya gore o tla bo o latlhegelwa ke tshiamelo. Mme ba le bantsi ba tla raelesega

go dira jalo, ka gonne ba tla ikutlwa gore go botoka go direla Modimo o sa iphitlha go na le go sa mo direle gotlhelele o sa iphitlha. Mme ba dira phoso. Go dumela maaka a ga diabololo ke go direla Satane, le mororo o ka tswa o batla go mmita Jehofa. Mme ba ba tlhophilweng ga ba kitla ba tsiediwa.

Mo godimo ga moo, ba ba tlhophilweng ga ba kitla ba bolokiwa fela, mme jaaka fa mokgatlho o o tswetse o nna "SETSHWANTSHO SA SEBATA SE SE TLHOMILWENG", baitshepi ba tla bo ba seo ka nako ya go tlhatlogo. Mme mokgatlho o o o monnye o o itumedisang, o o ngokelang o o simologileng kwa Efeso ka go nna le botsalano o tla nna sebopiwa sa semowa sa ga Satane se se leswafatsang le go tsietsa lefatshe lotlhe. Gonne tsamaiso ya kereke ya Katoliki ya Roma le ya Porotesetanta fa e kopana e tla laola dikhumo tsotlhe tsa lefatshe e bo e pateletsa lefatshe lotlhe gore le tsene mo selageng sa yone sa bodumedi, go seng jalo ba tla bo ba bolaiwa, ka go ba gana ba nna le tshono ya go reka le go rekisa gore ba itshetse. Se se tsile go diragadiwa motlhogo, ka gonne bomorwadia seaka se botlhe ba tla bo ba boetse kwa go sone. Fa go ntse go le jalo, Roma e setse e kgobokantse gauta e ntsi. Bajuda ba na le dibontse le dipampiri tsotlhe tse di tlokegang. Ka nako e e tshwanetseng, seaka se tla fedisa tsamaiso ya gompiano ya madi ka go emisa theko ka madi a dipampiri, mme a batle gore go dirisiwe gauta go reka. Fa go sena gauta, tsamaiso e a phutlhama. Bajuda ba tla tshwarwa mme ba tsene mo kgolaganong, mme kereke ya seaka e tla laola lefatshe lotlhe.

Tsholofetso Go Ba Gagwe

Tshenolo 3:11-12,

"Bonang Ke tla ka bonako: se o nang naso o se kgomarele thata, gore ope a se ka a go tseela korone sa gago.

Yo o fenyang ke tlaa mo dira pilara mo tempeleng ya Modimo Wame, ga a ketla a tlhola a tswwela kwa ntle: mme ke tlaa kwala mo go ene Leina la Modimo Wame, le leina la toropo ya Modimo Wame, e e leng Jerusalema yo moša, o o fologang gotswa kwa legodimong kwa Modimong Wame, le Leina le e leng Lame le lesa."

Ga re tlhoke go akgela ka kakanyo ya gore O tla tla ka bonako. Re a itse gore o seo ke boammaaruri ka gore re mo malatsing a bofelo, a ga go jalo? Mme o tswelala ka go re: "Tshwara ka thata se o nang le sone, gore ope a se ka a tsaya korone ya gago."

Jesu o tla ka nako ya pitlagano e kgolo. Mme fa a tla go tla nna le tsogo ya baswi. Ba le bantsi ba tla tsoga batswe mo diphuphung tsa bone mme ba kopana ba bo ba tlhatloga le ba ba tshelang ba ba emetseng go boa ga Gagwe. Mme ba ba tla newa dikorone. Ka goreng? Ka gonne ke Bomorwa Modimo. Ke dikgosi le Ene. Ba busa le Ene. Ke sone se korone e se kayang—go busa le go busa le Kgosi e Kgolo, ka boEne. Ke yone tsholofetso ya botlhe ba ba bogang le Ene mo lefatsheng fa—botlhe ba ba itshokang ka bopelotelele ka gonne ba itse gore Modimo, Moatlhodi yo o siameng, o tla ba duela. Ba ba neng ba tlogela sengwe le sengwe ka ntlha ya Gagwe mme ba mo neela sengwe le sengwe ba tla nna mo setulong sa Gagwe sa bogosi mme ba nne le seabe mo bogosing ja Gagwe jo bo galalelang.

Oo, re na le Lefoko la rona rotlhe ka nako e. Ke gore o tswarelele—o boloke. O se ka wa ineela. Aparang diaparo tsa phemelo tsotlhe tsa tlabano tsa Modimo—le dirise dibetsa tsotlhe tse A re di neilweng—le dirise neo nngwe le nngwe e re nang le yone mme lo lebelele kwa pele ka boitumelo, ka gonne re tlile go rweswa korone ke Ene yo e leng Kgosi ya dikgosi le Morena wa Barena.

Jaanong ga a ba neye dikorone fela mme gape O bua gore bone ba ba mo monyadiweng ba tla nna dipilara mo tempeleng ya Modimo. Mme tempele ya Modimo ke eng? Jeso O ne a bua gore mmele wa Gagwe ke Tempele. E ne e le yone. E ne e le tempele ya Modimo. Mme jaanong ka gore re mmele wa Gagwe, kereke ya boammaaruri ke tempele ya Modimo ka Moya o o Boitshepo o o mo go rona. Jaanong o tla dira yo o fenyang pilara mo tempeleng eo. Mme pilara ke eng? Pilara ke karolo ya motheo ka gonne e tshegetsatsa kago e e kwa godimo. A go bakwe Modimo, yo o bayang mofenyi mo maamong a a siameng le baaposetoloi le baperofeti, gonne go buiwa jaana mo go Baefesia 2:19-22,

"Jaanong ga le sa tlhole le le baeng le bajaki fela, mme le baagedi mmogo le baitshepi, e bile le ba ntlo ya Modimo;

Gape le agilwe mo motheong wa baaposetole le baperofeti, Keresete Jesu ka Esi e le Ene lejwe le legolo la sekhutlo;

Yo mo go Ene kago yotlhe e kopanngwang sentle mo go Ene, e gola go nna tempele e e boitshepo mo Moreneng: Yo mo go Ene le agilweng mmogo go nna boago ja Modimo ka Mowa."

Ee, temana 22 e bua gore re agilwe mmogo le bone. Sengwe le sengwe se ne sa tsena ka KGORO (eleng Jesu) mme ke karolo ya mmele oo kana tempele. Jaanong fa Modimo a baya motho mo tempeleng jaaka pilara mme a mo dira karolo ya setlhopho seo sa motheo, o dira eng? O mo naya tshenolo ya

Lefoko la Gagwe le ya Gagwe ka boEne, ka gonne seo ke sone se baaposetoloi le baperofeti ba neng ba na le sone. Mathaio 16:17. Ke gone foo Aleng teng mo Lefokong leo. O eme foo. Ga go na ope yo o ka Mo ntshang.

Akanya ka lefoko leo, "go fenyaa". Johane o botsa potso e e reng, "Ke mang ene yo o fenyang?" Mme karabo e tla ka tlhamalalo, "Yo o dumelang gore Jesu ke Keresete." Ga a re motho yo o fenyang ke yo o dumelang mo go 'A' Jesu le mo go 'A' Keresete, mme o dumela gore Jesu KE KERESETE—ke motho a le MONGWEFELA—e seng ba le babedi. Ke ene yo o kolobeditsweng mo Leineng la Morena Jesu Keresete.

Modimo o bua ka monyadiwa fa. A o batla go bona setshwantsho se sengwe sa gagwe?

E fedile mo go Tshenolo 7:4-17,

"Mme ka utlwa palo ya bone ba ba kanilweng: mme ba ne bale dikete tse di masome a a mane le bone ba letso lengwe le lengwe la bana ba Iseraele.

Mo go ba letso la ga Juta ba ba kanetsweng e ne e le ba le dikete di le lesome le bobedi. Mo go ba letso la ga Rubene ba ba kanetsweng e ne e le ba le dikete di le lesome le bobedi. go tswa mo letsong la ga Gada, ba ne ba le dikete di le lesome le bobedi ba ba kanetsweng.

Mo go ba letso ka ga Ashera, go ne go kanetswe ba le diketse tse di lesome le bobedi. Mo go baletso la ga Nafetali gone go kanetswe ba diketse tse di lesome le bobedi; mo go ba letso la ga Manase go ne go kanetswe ba le diketse tse di lesome le bobedi.

Mo go ba letso la ga Simeone ba ba kanetsweng ba ne ba le dikete tse leseome le bobedi. Mo go ba letso la ga Lefi ba ba kanetsweng ba ne ba le dikete tse leseome le bobedi; mo go ba letso la ga Isakare, ba ba kanetsweng ba ne ba le dikete tse leseome le bobedi.

mo go ba letso la ga Sebulone ba ba kanetsweng ba ne ba le dikete tse lesome le bobedi; mo go ba letso la ga Josefa ba ba kanetsweng ba ne ba le dikete tse lesome le bobedi; mo go ba letso la ga Benjamine, go ne go kanetswe ba ba diketse tse lesome le bobedi.

Morago ga dilo tse ka leba, ka bona matshwititswiti a magolo a batho, a go senang motho ope yo o ka ba balang, e le ba merafe yotlhe, le ba matso otlhe, le ba merafe yotlhe, le ba dipuo tsotlhe, ba eme fa pele ga setulo sa bogosi le fa pele ga Kwana, ba apere diaparo tse ditshweu, ba tshotse dikalatsa mekolwane ka diatla;

Ba kua ka lentswe le le kwa godimo ba re, Poloko e tswa mo Modimong wa rona Yo o ntseng mo setulong sa bogosi le mo go Kwana.

Mme baengele botlhe ba bo ba eme go dikologa setulo sa bogosi le bagolo le dibatanai tse nne, ba wela fa fatshe ka difatlhego fa pele ga sedulo sa bogosi, ba obamela Modimo,

Ba re, Amen: Pako, le kgalalelo, le botlhale, le tebogo, le tlotlo, le thata, di nne tsa Modimo wa rona, go ya bosakhutleng. Amen

Mme mongwe wa bagolwane a nkaraba a re, Ba ba apereng diaparo tse ditshweu ba ke bomang? le gore ba tswa kae?

Mme ka mo raya ka re, Morena o a itse. Mme a nthaya a re, Ba ke bone ba ba tswang mo pitlaganong e kgolo, ba tlhatswitse diaparo tsa bone, ba di sweufaditse mo mading a Kwana.

Ke gone ka moo ba leng fa pele ga setulo sa bogosi sa Modimo, ba mo direla bosigo le motshegare mo tempeleng ya Gagwe: mme Yo o ntseng mo setulong sa bogosi o tla aga mo gare ga bone.

Ga ba kitla ba tlhola ba tshwarwa ke tlala, le fa e le lenyora; le letsatsi ga le kitla le ba fisa le fa e le mogote ope.

Gonne Kwana e e mo gare ga setulo sa bogosi e tlaa ba fepa, e ba gogela kwa metswedeng ya metsi a botshel: mme Modimo o tlaa phimola dikeledi tsotlhe mo matlhong a bone."

Jesu o tsile. O kanetse ba ba 144 000. O ne a tsaya ba le 12 000 mo letsong lengwe le lengwe. Mme go na le setlhopho se sengwe gape se se seng karolo ya ba ba 144 000 ba go buiwang ka bone mo ditemaneng 9-18. Ke ba fe? Ba ke ba ba mo monyading yo o tserweng mo Baditšhabeng. Ba fa pele ga setulo sa Gagwe sa bogosi motshegare le bosigo. Ba Mo direla Mo tempeleng. Ba tlhokomelwa ka tsela e e kgethegileng ke Morena. Ke monyadiwa wa Gagwe.

Monyadiwa o ya gongwe le gongwe kwa Monyadi a leng teng. Ga a kitla a Mo tlogela. Ga A ka ke A tlhola a tsamaya a mo tlogela. O tla nna le Ene mo setulong sa bogosi. O tla rweswa korone ya kgalalelo le tlotlo ya Gagwe.

Mme ke tla kwala mo kwala Leina la Modimo Wame, le leina la toropo ya Modimo wame. Mme leina la Modimo ke mang? Ee, O ne A le Modimo le rona, kana Emanuele, mme e ne e se leina la Gagwe la mmatota. "O tla bitsa Leina la Gagwe ore Jeso." Jesu o ne a re, "Ke tsile ka Leina la ga Rre, mme la se ka la nkamogela." Ka jalo Leina la Modimo ke JESO, ka gore leo ke Leina le A neng a tla ka lone. Ke MORENA JESO KERESETE. Mme mosadi o tsaya leina lefe fa a nyalwa ke monna? O tsaya leina la gagwe. E tla nna Leina la Gagwe le le tla newang monyadiwa fa a mo Itsela.

Tshenolo 21:1-4.

"Mme ka bona legodimo le lesa le lefatshe le lesa: gone legodimo la ntlha le fetile, le lefatshe la pele; le lewatle ga le tlhole le le teng."

Gape ka bona motse o o boitshepo, Jerusalema o moshana, o fologa kwa legodimong o tswa kwa Modimong, o baakantswe jaaka monyadiwa yo o kgabetseng monna wa gagwe."

Mme ka utlwa lentswe le legolo le tswa mo setulong sa bogosi le re, Bonang, tabanakele ya Modimo bo mo bathong, O tlaa aga nabo, ba tlaa nna batho ba One, le Modimo ka Osi O tlaa nna nabo, O tlaa nna Modimo wa bone."

O tlaa phimola dikeledi tsotlhe mo matlhong a bone; gape ga go ketla go tlhola go nna le lesa, le gone ga go ketla go tlhola go nna le bohutsana, le fa e le selelo, le fa e le kutlobotlhoko: dilo tsa pele di fetile."

Go itumedisa jang. Ditsholofetso tsotlhe tse di molemo di diragaditswe. Go tla bo go fedile gotlhe. Phetogo e tla bo e feditswe. Kwana le monyadiwa wa Gagwe ba ne ba nna ka bosakhutleng ba le mo boitekanelong jotlhe ja Modimo. A o ka kay seo? Ke mang yo o kgonang go dira jalo? Ga gona ope. Akanya ja gone? Lora ka gone? Bala se Lefoko le se buang ka ga gone? Ee, re ka kgona go dira dilo tse tsotlhe, lefa go ntse jalo re ka itse karolo e nnye fela ya tsone go fitlhelela e nna boammaruri mo tsogong ya ntlha.

"Mme Ke tla kwala Leina Lame le lesa mo go ene"

Leina Lame le lesa. Fa BOTLHE ba nna basha, O tla tsaya Leina le lesa mme Leina leo e tla nna Leina la monyadiwa. Ga go na ope yo o ka akanyang gore Leina leo ke eng. E tla tshwanelwa ke gore e nne thenolelo ya Mowa e e neelwang ka tsela e e tlhomameng mo e leng gore ga go na ope yo o ka e ganetsang. Mme ga gona pelaelo gore O tla tlogelela tshenolelo eo letsatsi le a tla eletsang go fa Leina leo. Go lekane go itse gore go tla nna monate go feta kafa re ka akanyang ka teng.

Kgothatso Ta Bofelo Ya Paka

Tshenolo 3:13,

"Yo o nang le tsebe, a a utlwe se Mowa o se buang le diphuthego."

Paka nngwe le nngwe e felela ka tlhagiso e. Ke kopo e e sa kgaotseng ya gore dikereke di reetse lentswe la Morena. Mo pakeng e kopo e e tlhaga thata go feta mo dipakeng tse di fetileng, ka gore mo pakeng e go tla ga Morena e le ruri go gaufi tota. Gongwe go ka nna ga tsoga potso e e reng, "Fa e le gore go na le paka e nngwe morago ga e, ke ka eng gona le potlako?" Karabo e fa. Paka ya bofelo e tla bo e le e e khutshwane—e le tiro The last age will be a short one—e le tiro e e dirwang ka bonako. Mme ga se fela gore go ntse jalo, mme motho o tshwanetse go nna a gakologetswe gore mo matlhong a Modimo nako e feta ka bonako; ee, dingwaga di le sekete ke letsatsi le le lengwe fela. Mme fa e le gore O tla tla mo diureng di sekae fela jaaka A bona nako e ntse, ele ruri O tshwanetse go re tlhagisa ka bonako mme lentswe la Gagwe le tshwanetse go utlwala ka mo dipelong tsa rona gore re ipaakanyetse go tla ga Gagwe.

Oo, go na le mantswe a le mantsi mo lefatsheng—mathata a le mantsi le dilo tse di tlhokeng go lemogwa; mme ga go kitla go nna le lentswe le le botlhokwa le le tshwanetseng go tlhokomelwa jaaka lentswe la Mowa. Ka jalo, "Yo o nang le tsebe a a utlwe, a a utlwe se Mowa o se buang le diphuthego."



www.messagehub.info

Thero Ka

William Marrion Branham

"... Mo Metlheng ya Lentswe la Moengele wa Bosupa ..." Tshenolo
(10:7)